

EPB 61107/B



ORDINIS MEDICORVM IN ACADEMIA
WITTEBERGENSI PRODECANVS
A B R A H A M V S V A T E R
D. & P. P.

Anat. & Botan. substitut. nec non Soc. imp. N. C. & Reg.
Britann. Soc.

AD
DISSERTATIONEM INAUGVRALEM MEDICAM

d. XXIII. April. MDCCXXVII. audiendam invitat.

ВНЕШ. С

Q. D. B. V.

Notus satis superque est affectus ille miserrimus, ac commiseratione dignissimus, atque iure meritoque *Misere-
rere mei* propterea vocatus, quo aegri torminibus enormissimis uentris, cum obstructionibus alui pertinacissimis & nulla fere arte expugnabilibus, atque uomitibus continuis, ipsarum tandem fecum aluinarum, aliisque grauissimis symptomatibus excrucitati, communiter fatis cedere coguntur. Huic malo occasionem praebent admodum varia, non quidem tantum intesti-
norum circumuolutio aut contorsio in nodum, unde uoluuli no-
men obtinuit, sed & obstructio eorum a scybalis induratis, in-
carceratio in herniis, constrictio & coarctatio, uel subingressus,
intus susceptio & inuaginatio, & inflammatio eorum atque alia.
A quibuscunque tamen causis oriatur malum semper cum moti-
bus conuulsuius intestinorum totiusque canalis alimentorum con-
iungitur, nullatenus uero tantum a conuulsione atque contractio-
ne uiolenta musculorum abdominis, uti uolunt *Dominus Ha-
guenot* Societatis Montispeffulanae Gallorum Socius, & *Dominus
S. Andrae* Societatis Anglicanae Sodalis, qui motum praeterna-
turalem intestinorum antiperistalticum impugnantes, solam mu-
sculorum abdominis contractionem accusant, qualis tamen si ad-
est, potius pro effectum conuulsionum internarum, quam pro cau-
sa agnosci debet. His autem idoneis & solidis argumentis iam
tum responsum est in *Actis Medic. Berolin. Decad. II. Vol. IV.
N. I.* ut opus non sit, de hoc prolixius agere. Neque etiam in
praesenti ex instituto de hoc affectu eiusque causis agendi locus
mihi est, sed mihi tantum his paginis angustis res erit cum intus
susceptione atque inuaginatione intestinorum, disquirendo in pri-
mis, an haec pro causa, quae malum iliacum antecedit illudque
inducit, aut potius pro effectum, inter ipsos motus conuulsuos
intestinorum contingente, habenda sit. Hoc ut credam, nempe
inuaginationem si non semper, quandoque tamen effectum po-
tius quam causam mali iliaci esse, suadet inter alia illud, quod
talis inuaginatio & intus susceptio intestini inueniatur, etiam post

mortem in cadaueribus eorum, qui malo iliaco non laborarunt. In eaque sententia quoque fuisse Lindanum, docent laudata *Acta Berolinens.* l. c. p. 28. ubi legitur, quod ille in Coll. quodam MS. Practico super Hartmannum, Realdi Columbi locum, qui de mutuo intestinorum ingressu in malo iliaco agit, ita interpretatus sit, auctorem ibi effectum ilei allegasse pro causa. Huic autem sententiae, ne gratis subscripsisse videar, produco in medium Sectionem Anatomicam ante paucos dies a me institutam, puellae duorum cum dimidio annorum, quae tabe ex ulcere pulmonis & scirrhis glandularum mesenterii defuncta, plures ante obitum septimanas diarrhaea continua, subinde cruenta, usque ad mortem, laborauerat. In huius cadauere aperto, lobum pulmonis dextrum in tota peripheria cum pleura & costis, diaphragmate atque pericardio concretum, in eoque intus sinum ulcere excavatum, oui gallinacei magnitudine, pleuram vero & diaphragma in loco concretionis callosa & quasi cartilaginosa deprehendi. Praeterea glandulae mesenterii cum pancreate, hepate atque liene induratae & scirrhosae apparuerunt. Totus uero canalis alimentorum ob diarrhaeam antecedentem uacuis repertus est. Imprimis autem in parte superiori intestini ieiuni tres inuaginationes, haud longo a se inuicem interuallo distantes inueni, ubi pars superior in inferiorem ad unius atque alterius articuli digiti longitudinem introiuerat. In hac tamen puella nulla mali iliaci signa adfuerunt, quae sunt tormina uentris atrocia, cum obstructione alui pertinaci ac uomitu continuo, ultimo fecum aluinarum. Conquesta quidem subinde fuerat de dolore abdominis, at non adeo acuto, nullus etiam uomitus nullaue alui obstructio adfuit, potius diarrhaea usque ad extremum halitum continuauit. Iudicandum ergo est, inuaginationes has in ipso mortis articulo, aut breui ante illum, a motibus internis epilepticis productas esse.

Q V A E S T I O M E D I C A

pro prima Apollinari laurea consequenda

P R A E S I D E

D. H E N R I C O H A G U E N O T

Regis Consiliario & Medico, nec non in alma Montspeliensium
Medicorum Academia Professore Regio,
Patris coadjutore,

*An vomitus foeculentus in passione iliaca ab antiperistaltico
intestinorum motu.*

Quam propugnabit CAROLVS BAGARD Nancejanus apud Lotharingos,
Celsitudinis Regiae LEOPOLDI I. Lotharingiae Ducis Consiliarius &
Medicus ordinarius, Regio Nosocomio praepositus, Artium Liberalium
Magister, Universitatis Montispestulanae Consiliarius, & jamdudum
Medicinae studiosus.

Monspel. anno 1715.

1870

1871

1872

1873

1874

1875

Q V A E S T I O M E D I C A

EAQVE THERAPEVTICA

An

Vomitus foeculentus in passione iliaca ab antiperistaltico intestinorum motu.

5 **H**aec fuit olim veterum, quae etiam nunc viget apud omnes neotericos communis atque pervagata opinio, foeculentam vomitionem in passione iliaca a praeternaturali & inverso (ut loquuntur) intestinorum motu exoriri. Veteres enim (a) *ea quae in intestinis continentur sursum ferri exinde deducunt, quod constringendi complectendique motus inferne incipiat, imo & clysmatis quoque aliquid & stercoris ex tam violenta*
 6 *intestinorum constrictione ad ventrem aliquando praeternaturam revocari, deinde ad exitum properare,* auctore Galeno, confidentius arbitrantur. Recentiores vero antiquorum vestigiis hac in re nescio quo fato inhaerentes, eorumque auctoritate suffulti, hunc excrementorum ad ventriculum usque regressum, mutatae naturali ac peristalticae intestinorum contractioni tribuunt: in hoc solum utrique dissentientes, quod illi inversum statuunt motum productum a facultate quadam expultrice, quae mera est occulta qualitas, hi vero motum quendam fibrarum carnearum intestinalis ductus, vermiculari earundem motui penitus oppositum, sive, ut aiunt, antivermicularem. Sententiam hanc licet veterem, licet vulgatam, & a Galeno ad nostra usque tempora communiter acceptam, solo veritatis amore ductus impugnamdam aggredior, eoque lubentius quo grauissimis rationum momentis; experimentisque certissimis convictus, motum hunc intestinorum antiperistalticum non inutilem modo sed & impossibilem esse censeo; sed quo rectius suscepti opusculi schema procedat, juvat rem totam in quaedam capita distribuere.

CA-

a) Galen, Tom. 3. Lib. 5. De sympt. caus.

CAPUT PRIMVM

De natura Ilei, & ejusque differentiis.

Placuit majoribus nostris affectum hunc variis nominibus insignire; & Graecis alii hunc *Ileum* nuncupant a voce graeca, *Ειλεός*, quae circumvolvi significat, quoniam morbum hunc a complicatione seu convolutione intestinorum saepius oriri existimant, vel ut aliis magis arridet, quod dolor umbilico ut plurimum circumduci videatur; alii pariter *Ileum* seu *iliacam passionem* quasi dicerent passionem seu affectionem intestini ilei, quod in hoc morbo caeteris frequentius infestari creditur; plurimi *Chordapson*, ex eo quod tumor nonnunquam appareat supra umbilicum, chordam convolutam & tensam apprimere repraesentans, hinc quoque a Latinis *volvuli*, *convolvuli* vel *circumvolvuli* nomine exprimitur; tandem, quod olim a Barbaris huic inditum fuit *miserere mei* nomen, ob atrocissimos dolores quibus divexantur aegri, & symptoma commiseratione dignum, tetram nempe excrementorum vomitionem, idem nunc uno ore profertur, & apud vulgus praesertim circumsonat.

Jam vero, ut naturam Iliaci affectus paucis eruam, pro laudabili Academiae nostrae consuetudine statim a definitione exordium duco; Ileus recte definitur *gravis ac dolorifica intestinorum angustia, quam sequitur alvi adstrictio, foecumque per superiora rejectio*.

Ineunte Ileo alvus vel penitus, vel notabiliter constringitur, obmurmurant intestina, dolent, ructat, nauseat stomachus, in gravescente morbo quaecumque deglutiuntur liquida solidave, mox brevi tempore gradum revocant, & ab intestinis ad ventriculum, indeque ad os ascendunt, sub forma, colore, & sapore multiplici, nec dum stercoris foetorem redolentia: dein foetida succedit vomitio, tandemque inflato abdomine, dolore ad-aucto, extincto jam calore totius corporis habitus, ac dimanante sudore frigido foetidoque, languent aegri quasi exanimes, singultiunt, urinam quandoque turbulentam, quandoque putidam

dam reddunt, vel ipsius suppressionem patiuntur, vitalem vix ducunt spiritum, quodque magis horrendum, identidem ipsas alvi faeces vomitu immani rejiciunt.

Differentiae Ilei ex duplici potissimum fonte delumi debent, 1^o. ex magnitudine angustiae; 2^o. ex symptomatum varietate; quoad primum, prout major vel minor est intestinorum angustia, prout eorundem via vel occluditur penitus, vel notabiliter tantum angustatur, duplex assignanda est passio iliaca, altera quae perfecta seu legitima, altera quae imperfecta, spuria vel illegitima appellatur; in priori, intercepto prorsus itinere, quaecumque supra obicem continentur coguntur ad superiora, & adest alvi suppressio, in posteriori vero, tenuiores quaedam fluidioresque contentorum particulae transgrediuntur obicem, & per secessum eliminantur, & tunc non suppressa quidem est alvus, sed adstricta simpliciter & segnior observatur. Quoad secundum ex jam superius tradita hujusce morbi descriptione liquido constat. Ileum diversis temporibus spectatum, diversis stipari symptomatis, quorum ratione in incipientem & confirmatum dividendus est; sic alvi adstrictio, vel suppressio, intestinorum murmura, fixus vel circumvectus abdominis dolor, ructus, nausea, imo & vomitus contentorum in stomacho, incipientem, materiae vero graveolentes ac foetidae vomitione rejectae, confirmatum Ileum constituunt.

C A P V T S E C V N D V M.

De causis Ileum producentibus.

9 Cum primo intuitu triplex sese objiciat sententia circa causas Ilei; prima veterum admittentium cum Galeno inversam atque occultam vim facultatis expultricis; secunda neotericorum qui ileum ab antiperistaltica villorum intestinalium contractione fieri sentiunt; tertia tandem, quam aliis praeponendam autumo, quaeque causas a prioribus longe diversas statuit: operae pretium duxi triplicem hanc sententiam ad rationis nor-

nam exigere. Quoniam vero hisce nostris temporibus ita exolevit inanis haec Galeni & aliorum antiquorum opinio de facultatibus, ut ulteriori refutatione non indigeat, decrevi dumtaxat examinare quid senserint neoterici, deinde vero quid hac de re sentiam paucis exponere. Quod quidem ut clarius & aliquo ordine perficiatur, liceat caput istud in duos articulos subdividere, in quorum primo neotericorum opinionem de motu antiperistaltico proponam, propositamque refellere conabor; in altero vero genuinas Ilei causas pro virili parte afferam.

ARTICULUS PRIMUS.

Sententia neotericorum de motu antiperistaltico expenditur & refellitur.

Quo plenius intelligatur recentiorum opinio de motu antiperistaltico, afferenda est statim in medium naturalis haec intestinorum mechanica, qua libero alioquin manente intestinorum ductu, semel assumpta interius liquida solidave successive ad partes inferiores, ac tandem ad anum usque continuato tramite devolvuntur. Mechanicam hanc (neque enim illud reticere possum) primus omnium D. Chirac (*a*) Professor Regius sapientissimus, Academiae nostrae decus & ornamentum, tanta cum diligentia dilucidavit, ut certe nisi me movisset veritatis amor; & jamdudum ab ipso didicissem grande piaculum esse apud omnes disciplinarum cultores jurare in verba magistri; tanti viri auctoritatem veritus nusquam suscepissem, tam ingeniosam, tamque verisimilem hypothese[m] confutare.

Ad clariorem autem mechanis[m]i illius intelligentiam, statuit *1. e.* laudatus Author cum omnibus Anatomicis, intestina duplici instructa esse fibrarum musculolarum ordine, orbicularium scilicet & longitudinalium, quarum (*b*) *alterna contractione & coarctari ductus interior quo pervia sunt, & breviari eorundem longitudo facile queat.*

Sta-

a) Tract. de Ileo. Sect. 1.

b) Ibid. Sect. 1.

Statuit 2^o. (a) tanquam indubitatum, intestina ubi penitus inanita sunt, immota permanere; nec nisi sollicitata quomodocumque conspicuum ullum edere motum, donec a stomacho suppeditetur vel rudimentum chyli, aliudve, quidquid illud sit, quo stimulentur ad contractionem successive & vermiculariter perficiendam.

Quibus ita stabilitis, ut explicet deinde qui fieri possit, ut motus ille successivus duodeni [prius immoti a pyloro ad extremum usque rectum] continuetur, sic loquitur: (b) Age enim supponamus contractione ac pressione ventriculi trusam aliquantam chyli partem in duodenum; certe quoniam illud protinus ad contractionem novam sollicitatur, fluxilem contentam materiam quam circumambit, stringit, trudet pelletque aliquorsum; non in ventriculum, cujus ostium praeterquam quod pariter fibris annularibus munitum, strictiusve a natura quam continuum appensum intestinum, valvula insuper instructum est, qua inhibeatur regressus semel exclusorum: ergo in proxime sequentem ductus intestinalis partem: cum autem illa ipsa intestini pars quae 2^o. chylum excipit, eundem pariter premat, exprimatve, trudendus ille similiter in aliquem locum: non in priorem duodeni partem, a qua jamjam defluxit, quippe quae nondum a contractione remisit, quaeque ideo locum non praebet expresso fluido; ergo in subsequentem tertiam volutandus est, parique mechanica a tertia ad quartam, & sic de reliquis pergendo ad rectum.

- 12 In hunc modum tradita naturalis & vermicularis intestinorum motus mechanica, haud difficulter intelligendum esse asserit, c) Qui alimenta ingesta, seu faeces amandatae motu peristaltico in remotiores etiam intestinorum partes, hinc rursus mutata velificatione, relegant iter ad stomachum, immani mox vomitu rejiciendae. Enim vero quoniam tota ratio peristaltici motus superne deorsum ex dictis petitur ex obice circa ostium pilori, quo cum superari non possit, determinatur chylus duodeni contractione compressus alioversum in continuum duodeni aut Ileii ductum, & sic successive ad alias atque alias intestinorum partes: planum est siquidem chylosa materia consueto illo motu intestinorum a ventriculo ad dissitam quandam intestini partem

a) Ibid. Sect. 1.

b) Ibid. Sect. 1.

c) Ibid. Sect. 2.

tem Ilei puta transmittatur; ita tamen, ut illa propter angustiam, obstructionem, compressionem, aut aliam quamcumque rationem ulterius pergere non possit, illam inde regressu facto ac motu contractivo intestini in adversam partem determinato, rursus ad stomachum unde profluxerat reportandam. Quae mechanica (addit idem Author) inversi seu antiperistaltici intestinorum motus manifestior evadet, si supponamus, ut in prima figura patet, Ileum intestinum A. B. aliquo loci puta in C. constrictum, fluxisseque eo usque motu ordinario chylosam materiam ex superiori parte A. continuato tramite ad C. occupetque spatium devoluta materies D. C. certe quoniam illa cum semel eo appellit ob inditum motum, incitat novam fibrarum annularium contractionem; imo & re ipsa retrahuntur illae, breviantque, ac stringunt cavitatem, contentae materiae vim illaturae; proindeque illa ob pressionem quam experitur, & loci angustiam aliquorsum, & qua datur facilis exitus sese diffundet; non in C. B. Ilei partem inferiorem, ut quae ex suppositione constricta & clausa est circa C. repugnatque ineluctabiliter oblatae materiae: ergo in superiorem D. E. trudenda est, contractioneque fibrarum annularium hujusce partis iterum exprimetur in E. A. & sic pergendo ad stomachum usque: cum enim intestini pars C. D. unde primum excluditur materia, non cesset protinus a contractionis opere suscepto, quo tempore illabitur expressa materia in partem D. E. contrahiturque haec eadem necessitate mechanica. Fit ut inde etiam expulsa, cum non possit facile retrogredi versus E. D. in qua contractionis motus adhuc viget, in liberius spatium E. A. viam muniat, & sic deinceps donec totum remetiatur intestinale ductum ad ventriculum usque.

Et haec est hypothesis a Lycaeï nostri coryphaeo tam ingeniose excogitata, ita dilucide exposita, mechanicis innixa principiis imo (dicere ausim) ita verisimilis, ut prima fronte omnium assensum quasi extorquere videatur; illius sententiae probabilitas ac perspicuitas, adeo mentem perculit, ut nihil verius certiusque hac de re excogitari posse crediderim; sed serio cogitanti de hoc antiperistaltico intestinorum motu, & ad ipsius mechanicam attendenti, maximam dubitationem attulit experimentum omnibus cognitum, tentatum a D. Chirac, (a) & a me summa cum

a) Ibid. Sect. 3.

14 cum diligentia & religione pluries repetitum, ex quo (nisi quis fuerit pertinax vel praejudiciis obcaecatus) tunicam ventriculi carneam non modo motu antiperistaltico carere, sed, quod magis est, nihil omnino vel parum ad vomitum conferre, plane evincitur, ratus etenim ex anatome, intestina eandem ferme structuram ac ventriculum a natura obtinere, suspicatus sum ea quae de inversa intestinatorum contractione proferrent passim auctores in Ileo, ingeniosae quidem mentis sobolem esse, at non solidiori niti fundamento quam priorem de vomitu hypothesim, ac proinde, si haec experimento certissimo corrueret penitus, illam quoque funditus ruituram esse conjiciebam.

Suspicionem meam magis & magis confirmabant plurima nec levia rationum momenta, quibus motum intestinatorum inversum, si non falsum omnino, saltem dubium esse & rationi quadante minus dissonum facile percipiebam. Et 1^o. quidem cum perpendens summa animi contentione quae gerebantur in passione iliaca, observarem aliquando intra breve tempus & liquida, juscula nempe, salivam, aliaque continuo deglutiri, & deglutita semel mox rejici stercoris nidore infecta; exinde deducebam eadem intestina brevi temporis intervallo motibus licet plane diversis agitari, nunc peristaltico & naturali, ad deglutitionem & descensum fluidorum in intestinatorum cavitatem, nunc vero antiperistaltico, ut scilicet contenta in intestinis ad ventriculum usque remeant, indeque per vomitum foras ejiciantur, quod certe difficile omnino, ne dicam impossibile esse existimabam.

3 5 2^o. Quoniam ea quae supra obicem per os, illa vero quae infra obicem continebantur, per podicem vel simplici naturae ductu, vel artis auxilio eliminari cernebam; cum insuper ad superiora ascendere nequaquam posse stercorosam materiam absque motu antiperistaltico, neque faeces infra obstaculum ad inferiora protrudi, sine motu peristaltico & naturali contenderent, religiosi motus vermicularis & antivermicularis fautores; hinc colligebam diversas ejusdem tubi intestinalis partes tunc temporis duplici motu penitus opposito movendas esse: quod profecto animum veritatis avidum dubitatione scrupulisque non parum scindebat.

3^o. Cum in vomitu bilioso, bilis a cavitate duodeni, cui naturaliter inferitur ductus choledochus, ad stomachum reducatur, flavescentem quo inficitur colorem materiis ejiciendis communicatura; cumque aliunde adversarii mox allato de vomitu experimento confisi, hoc fieri posse sine ullo motu antivermiculari ejusdem duodeni ultro confiterentur: haud dubius inferebam faeces & aliam quamcumque materiam e caeteris intestinis ad ventriculum pariter retrogredi posse, motu antiperistaltico eorumdem intestinorum nullatenus concurrente.

4^o. Quoniam ex jam allata motus antivermicularis mechanica liquet Ileum non induci, nisi ex eo quod materia chylacea aut ipsae faeces, quae motum impertiunt fibris carneis intestinorum, non possint obicem vincere, & hac ratione cogantur superius determinari; sequitur manifeste fore ut, quoties impedito intestinali alveo chylus aut faeces non poterunt iter pergere ad anum, mutata determinatione & successive factis contractionibus ab inferna parte ad supernam, relegant gressus ad stomachum unde primo defluerant, & brevissime Ileum confirmatum accersant. Atqui tamen explorabam illud adversari quotidianae experientiae, qua constat saepissime viam praeccludi faecibus excernendis, ut in constipationibus diuturnis videre est, quin tamen vomitus stercoris subsequatur: ergo non sine fundamento falsam esse hanc motus antiperistaltici mechanicam concludebam. 16

5^o. Animadvertēbam vas quodcumque, plenum liquore, altero extremo obturatum, altero apertum, in quibuscumque sui partibus compressum, ex aequo contentum liquorem, non obstante innata ipsius gravitate, per apertum extremum effundere, Nec mirum: cum enim juxta liquidorum legem, ab omnibus Physicis acceptam, constet liquida, eo loci determinari ubi minorem inveniunt resistantiam, perspicuum est quacumque parte vas comprimatur liquorem constanter per aperturam utpote quae minus resistit foras effluxurum, quod ut clarius innotescat, fingamus (figura 2.) canalem *A. B. C. D.* clausum in extremitate *V.* apertum in *I.* in situ perpendiculari positum, compressibilem, & aqua repletum: ponamus insuper eundem canalem exterius compri-

17 primi vel in inferiori parte *f. f.* vel in media *e. e.* vel in superiori *o. o.* his ita positis, dico fluidum contentum quacunque inducta compressione perinde exiturum: quippe dum accedunt ad sese vel parietes canalıs *f. f.* vel *e. e.* vel *o. o.* liquor impellitur, ergo aliquo moveri debet & locum mutare, non versus *V.* obstat enim & plenitudo canalıs & obex inferior insuperabilis, ergo versus loci differentiam plane oppositam movendus erit, & per superius foramen *I.* effundendus.

Haec dum ad intestina referebam, simplici supposita eorundem repletionem ab obice ad ventriculum facili negotio rem expediri posse putabam sine motu antiperistaltico, eoque magis quod exploratam haberem duplicem vim motricem intestina exterius comprimantem, diaphragma, nempe, & musculos abdominis, quorum contractionibus vomitum deberi iterata jam pridem comprobaverant experimenta.

Ultimo tandem, quamvis tubus intestinalis non omnino turgidus foret ab obice ad stomachum, dummodo causae motrices superius assignatae, quemadmodum stomacho, dum sit vomitus, ita & intestinis sufficientem in illo compressionem inferrent, pares esse mihi videbantur promovendo contentorum refluxui; unde suspecta ex omni parte mihi visa est, haec mechanica quae inutilia admittebat, motum dico inversum musculosae intestinelorum tunicae.

His itaque rationibus commotus, me totum contuli ad superius expositum motus antiperistaltici mechanismum sedulo examinandum: cum autem cernerem rationem praeternaturalis illius motus deduci ex supposita semel peristaltici mechanica, & hocce potissimum fundamento fulciri; existimavi si motus hic 18 expellendis naturaliter contentis impar esset, antiperistalticum imparem quoque futurum esse.

Neque me fefellit opinio, namque rem accurate pensitanti in eo statim decipi mihi visi sunt motus antiperistaltici defensores, quod statuerent contenta in ventriculo a pyloro ad extremum usque recti successive protrudi, propter continuatum duntaxat fibrarum intestinalium motum; parum aliunde solliciti de aliis causis, quae quidem non dico ad accelerandum, sed ad pro-

promovendum contentorum descensum suo modo & essentialiter concurrunt. Age vero supponamus cum illis eructatam aliquantam materiae chylaceae portionem a stomacho *A.* (fig. 3.) versus duodenum *B. C.* aptam esse quae superet pilori *E.* resistantiam, viamque sibi sternat in duodeni cavum: supponamus pariter quod illi taciti supponunt, quodque nemo sanae mentis in dubium revocare audeat, hanc materiae ingressae copiam tantillam non esse, ejusque tenuitatis, cujus ratione unicae tantum fibrae orbiculari respondeat: sed plures eodem tempore fibras distendere, & ad novum suscipiendum contractionis motum stimulare; ita ut quod vulgo de motu peristaltico profertur, de partibus intestinorum sensibilibus, intelligi debeat, non autem de singulis fibris seorsim consideratis. Hoc posito perpendamus utrum 1^o. impulsæ materies e ventriculo, iter suum pergere possit sola vi contractionis fibrarum alternatim factae. Atque ut ab ipso motus exordio progrediamur, supponendum rursus materiam chylaceam quae duodeni *B. C.* cavitatem subiit sex fibris orbicularibus respondere, superioris ejusdem intestini partis 1. 2. 3. 4. 5. 6. patet statim laudatas 19 fibras in tota spatii repleti longitudine dispositas, succutiendas esse, & ex tradita superius mechanica omnes uno & eodem tempore decurtandas; planum est quoque imminuendam supernae duodeni partis *B. b.* diametrum, contentaque aliquo propellenda: an vero hac simplici intestini duodeni contractione inferius motum susceptura sint, non tam facile liquet, imo illud impossibile videtur. Quorsum enim, quaelo, id ita fieret? an quia materiae illae instinctu quodam vel genio, infernam intestinorum partem affectant? an quia hanc ipsis impertitur motus determinationem intestinalium fibrarum constrictio? Sed 1^o. neque instinctu ullo aut genio aliquo peculiari agere materias illas suspicari poterit, quisquis ad earum naturam cum physicis tantisper attendens, noverit eas esse ad quamlibet determinationem motus suscipiendam indifferentes. Neque 2^o. statui potest majori fundamento, contenta fluida e ventriculo prius expulsa, contracto angustatoque intestini duodeni ductus ad inferiora potius quam ad superiora determinari: cum enim, ut ita dirigetur

tur motus, deberet causa movens pone & secundum lineam *B. h. l. C.* applicari, posterioresque fluidorum partes ita impellere, ut ad anteriores quae inferius prospiciunt, tendere ac progredi possent; cumque ulterius hac contractione orbicularium fibrarum canalem intestinaleu constringentium, non secundum hanc directionem motus sed lateraliter tantum fiat impulsio, plane sequitur deducta e stomacho fluida, tam ad partes superiores, quam ad inferiores esse derivanda, & consequenter contractionem intestinelum peristalticam, ad materialum contentarum tum ascensum, tum descensum ex aequo concurrere; ergo hac ratione evidens est peristalticum seu vermicularem intestinelum motum prorsus inparem esse contentis inferius ad anum usque successive deturbandis,

Verum, inquiet aliquis hoc ingeniosissimo alioquin mechanismo captus, alio protrudi nequeunt in intestino duodeno contenta, quam ad inferiorem ejusdem intestini partem: quamvis enim impellantur secundum latera, adeoque tam versus ventriculum a quo defluxerunt, quam versus locum oppositum determinari videantur; quoniam tamen sphincter ventriculi, pilorus nempe huic usui dicatur a natura, ut concedat exitum materiae chylaceae ad intestina, regressum vero ab iis deneget, debebunt necessario contenta propter obicem oppositum flectere iter, & ad inferiora vergere, proindeque hac laterali impulsione determinationem motus inferiora versus accipere. Verum neque id recte constituti potest, nam licet sphincter interdum aliquatenus occludatur, non tamen exinde deducendum, illum impediendo contentorum ascensui, sed potius alimentis assumptis & ore prius ingestis in ventriculi cavo aliquamdiu continendis inservire, ut scilicet contracta ibidem sufficienti mora, eorum particulae, ut par est, subigi, alterari, comminui possint fermentorum beneficio, & in pultaceam materiam converti. Huic usui potissimum destinari pilorum, non modo comprobatur vomitus biliosus, quo constat bilem ab intestino duodeno sursum ad stomachum ascendere, non obstante pilori resistentia; sed & factum a me ac saepius repetitum experimentum, quo compertum manet, sphincterem illum val-

vulae officio nullatenus defungi posse, ut creditum fuit hactenus. Sic autem processit experimentum: abdomine viventis felis quam celeriter fieri poterat dissecto, intestinisque eductis, duodenum secundum ejus longitudinem scalpello aperui; mox tentavi per ipsius cavitatem apertam liquorem in ventriculum immittere, ea tamen adhibita cautione, ut contentus liquor vel minima vi propelleretur; vidi ventriculum ea proportionem turgescere, qua pulso magis ac magis syringis embolo major continuo accedebat liquoris copia, facile ut adverterem liquorem injectum levi negotio pilorum transgredi, & ventriculi cavum subire: rursus aëre insufflato rem ex aequo successisse observavi, nullatenus resistente pyloro. Ex quo experimento satis evincitur sphincteris usum ab omnibus Anatomicis assignatum, prorsus esse explodendum.

Sed forsitan regeres: ut sphincter ventriculi materierum regressui obstet, sufficit, ut pars inferior *b.* ejusdem figurae 3. superiori *B.* liberior sit; cum enim contenta in stomacho prius fermentata & dissoluta, ad quandam fluxilitatem perducta sint; cumque insuper fluida eo loci tendant, ubi minor est resistentia & via liberior, sequitur ea migratura viam ad partes inferiores magis apertas, & secundam intestini duodeni partem *b. l.* occupatura, sicque successive ad anum usque: ita ut perspicuum exinde sit, motu peristaltico a ventriculo ad podicem continuato, materias contentas successive per inferiora detrudendas. Quasi vero, etiamsi pars duodeni inferior superiori multo liberior sit & amplior, omnes inclusorum fluidorum partes ad inferiora dumtaxat deducendae sint? hoc unum inde colligendum, eas facilius per partem inferiorem quam per superiorem expellendas; nec illud eorum ascensum ad stomachum prohibere videtur. Quorsum enim, amabo, pars prima haec contracta intestini *B. b.* accepta fluida ad infernam & proxime subsequentem partem *b. l.* impellet? cur ex aequo eadem non trudet ad stomachum, ubi si non tam libera tamque aperta, saltem aliqualis patet remeantibus fluidis via; atque ita, si non eandem contentorum copiam, saltem aliquam eorum partem aperti pilori diametro respondentem ascensuram esse consequens est, dum

ma-

major pars per canalem inferiorem ad anum migrabit. Hinc quoque certum est; majorem hanc contentorum partem semel propulsam ad *b. l.* non posse ex toto sola villorum intestinalium contractione ad podicem pertingere. Quamvis enim prior pars *B. h.* intestinalis ductus in contractione sua aliquandiu perleveret, proindeque imminuta cavitate difficiliter iter reperiant contenta in spatio *b. l.* versus superiorem locum *b.* quam versus inferiorem *l.* quoniam tamen intestina non ita contrahuntur naturaliter, ut illorum cavitas penitus aboleatur, remanetque semper apertura quaedam & hiatus quem expulsa fluida transgredi possunt; (quod quidem manifestum fit in multis animalibus, praesertim in homine, in fele, in cane, aliisque in quibus intestina si explorentur, semper aperta intus & hiantia reperiuntur, nusquam ita constricta, ut obliteretur eorum cavitas) sequitur, quemadmodum, ut jam diximus, pilorus contentorum in *B. h.* aut saltem alicujus eorum partis regressui obstare non potest, ita pariter nec eandem superiorem partem contractam *B. h.* ascensum eorum quae in *b. l.* continentur impedituram, sicque totam percurrendo intestinorum longitudinem, facile datur inferendum contenta simplici contractione intestinalium fibrarum successive facta, non ex toto tendere ad anum, sed partim superius, partim inferius determinari.

Mechanicam hanc intricatam inutilia complecti, simplicibusque repugnare naturae legibus, non erit arduum ostendere: cui enim usui duplex ille motus contentorum adversus & oppositus, alius quo ad inferiora, alius quo ad superiora vergunt? qui natura, quae eandem in omnibus suis operibus servat oeconomiam, breviorique via utitur, duplicem illis motus determinationem conciliatura esset dum unica sufficit? qua ratione demum intelligi potest, ut fluida e ventriculo semel impulsam in duodenum, recta tendant ad locum *b. l.* mox quoque ad partem redeant ad stomachum *A.* unde prius exierant, ut iterum ex eodem excludantur?

Corruit ergo hac de re neotericorum sententia, aliaque necessario admittenda sunt, quorum ratione materierum ascensus praepediatur: haec autem tria esse praecipua arbitramur, nem-

pe materierum gravitatem, qua feruntur deorsum, semel susceptam determinationem motus a stomacho ad partes inferiores, & materiam continuo retro appellentem a succedente diaphragmatis motu. Etenim 1^o. cum duodenum stomacho appensum a superioribus ad inferiora protendatur, sequitur fluida exeuntia pondere suo aliquatenus deprimi, ac proinde illud idem pondus eorundem ascensui quadantenus obstare posse; cum pariter materiae contentae in ventriculo motum accipiant versus inferiora dum a diaphragmate agente propelluntur, liquet etiam eas facilius deinde movendas juxta eandem determinationem motus. 3^o. Demum cum diaphragma repetitis motibus, per vices materiam chylaceam in intestina detrudat, rectoque motu adigat versus C. debet haec necessario impedire motum oppositum, quo partes fluidorum contentorum a C. in B. moveri niterentur: ergo tria haec quatenus obstant contentorum ascensui, eorundem progressum ad anum, usque non modo juvant, sed mirum in modum promovent; quod ut ulterius innotescat, breviter nunc afferamus motus peristaltici mechanicam, quam ex superius allatis, & quibusdam ex autopsia anatomica desumptis facile erit deducere.

Atque, ut res ordine procedat quaedam cum Anatomicis supponenda sunt. Primum est diaphragma spectandum esse, tanquam praelum ventriculi, a quo praecipua vis qua ipsius cavitas contractatur: cum enim ex Anatomia partium in abdomine contentarum omnibus exploratum sit, stomachum infra diaphragma positum esse, planum est vim diaphragmatis sese contrahentis, praesertim esse applicandam subjecto ventriculo, quem immediate tangit, ac per consequens saccum hunc membrana-
ceum: utpotè proximiorē diaphragmati, ex istius complanatione, seu quod idem est contractione, prae caeteris infimi ventris visceribus esse comprimendum. 25

Secundum suppositum. Quoniam ex situ quem muscoli abdominis obtinent a natura liquido patet, eos non posse contrahi, quin tota abdominis regio quam circumvestiunt, & exterius obvolvunt, fiat angustior, nec ita angustari regio abdominis, quin intestina immediate subjecta maximam patiantur compressionem,

sionem, sequitur fore necessario, ut muscoli praedicti considerari debeant, tanquam intestinorum torcular & potentia motrix: quamvis enim communis sit eorundem actio reliquis omnibus visceribus, aliisque praeterea usibus destinata videatur, huic tamen potissimum intervire facile crederem, quod quemadmodum vis motrix diaphragmatis ventriculo, ita & vis motrix musculorum abdominis subjacentibus intestinis immediate applicetur.

26 Tertium suppositum. Constat apud Anatomicos ventriculū & intestina tunica muniri musculosa, duplici fibrarum ordine instructa, quarum aliae aliis subjiciuntur; prioris ordinis fibrae & exterius positae, quia per totam intestinalis ductus longitudinem protenduntur secundum lineam rectam, longitudinales audiunt: posteriores vero quae in orbem dispositae annulorum instar intestina ex omni parte cingunt, prioresque ad angulos rectos secant, orbiculares seu annulares nuncupantur. Hujusmodi tunicam contractione sua peristalticum tum ventriculi, tum intestinorum motum absolvere, nullus est qui negare audiat: an vero solae illius longitudinales fibrae, an orbiculares duntaxat, an denique utraeque, vel successive, vel uno & eodem tempore ad hoc opus perficiendum conspirent, longior est quaestio quam ut possit hic definiri, istud tantum obiter dixisse satis sit de quo omnes conveniunt, longitudinalium contractione abbreviari fistulam intestinalem, orbicularium vero arctari atque constringi ita ut hac mechanica contractis intestinis, contentorum pars tenuior fluidiorque exsugatur vasorum lacteorum osculis, crassior vero & faeculentior ad podicem usque urgeatur, brevi tanquam inutilis rejicienda. Motum hunc peristalticum seu vermicularem non solum admittunt omnes passim Anatomici, sed & vidisse se multi testantur Authores: ego vero in intestinis, quantacumque opera & industria rem exploraverim, illum detegere nusquam potui; observavi tantum subsultum quendam tum arteriarum, tum tunicae intestinorum, seu motum quendam tremulum, quem tamen non nisi ope microscopii percipere poteram. Quod ad ventriculum spectat, facile nudis oculis talem deprehendi motum in felium catulis, dum aperto duode-

no, liquor quidam in ventriculi cavum per syringam immitteretur. Namque animadverti, distento ab injecto liquore ventriculo, paulo post successivum quendam motum a sinistra ejus parte ad dextrum usque orificium, inferius scilicet, continuari, & per aperturam duodeni liquorem ea proportionem effluere qua 27 turgens decrescebat ventriculus. Hoc experimento iterum atque iterum tentato convictus, & aliunde conscius intestina ventriculi structuram penitus aemulari, collegi apud me utramque membranam eorum carneam eodem gaudere privilegio, atque ita intestina perinde ac stomachum motu suo peristaltico contentae materiae descensum quadantenus promovere.

Quartum suppositum. Ultimo supponendum cum Physiologicis, tantam interesse necessitudinem tunicae nerveae cum carne ventriculi & intestinorum, ut priore quomodocumque laessita, spiritus ad commune sensorium reflui, nervorum tunicae posteriori prospicientium ostia lubeant, ejusque contractionem moliantur.

Ex his ita suppositis liquet 1^o. triplicem agnoscendam esse vim, qua contenta in stomacho ad anum propelluntur, motum diaphragmatis agentis praecipue in ventriculum. 2^o. Contractionem muscutorum infimi ventris comprimantium intestina. 3^o. Demum fibrarum intestinalium constrictionem.

Liquet 2^o. Valde inaequales esse earum potentiarum vires, ita ut magni sit momenti diaphragmatis & muscutorum abdominis actio, parvi autem intestinorum & ventriculi; unde tum in distributione chyli, tum in contentorum propulso, tum quoque in ejectione faecum priores causae principatum obtinere videntur, aliis aliquatenus quidem, sed parum conferentibus: cuius rei contrarium statuunt recentiores, qui hos omnes effectus imprimis adscribunt peristaltico ventriculi & intestinorum motui, caeterasque potentias motrices quae primas tenent, tanquam causas adjuvantes duntaxat astruunt. 28

Hinc 3^o. colligitur, tempore inspirationis quo diaphragma e convexo planum fit, compresso ventriculo materiem contentam propelli in intestina, quae dein expirationis tempore a musculis abdominis angustata, acceptum semel fluidum altius deturbant.

Sic

Sic successivis hujusmodi torculorum compressionibus fit ut ferriante alterutro, alterum labores suos exantlet, contentaque ad debitos naturae terminos perducantur.

Jam vero, his in hunc modum enucleatis, juvat mechanicam hanc breviter expromere. Itaque statim supponere liceat diaphragma complanari, compressioque ventriculo ac paululum juvante vermiculari ventriculi motu, protrusam aliquam materiae chylaceae partem ad pilorum accedere, ejusque resistantiam superare. Hoc posito, debet materia haec propulsa, qua motu suo, qua gravitate appensi duodeni cavitatem subingredi, & spatium quantitati suae respondens occupare; haec ingressa debet rursus, cessante diaphragmatis motu, ab altero quod supposuimus praelo intestinis superincumbente de novo expelli; etenim cum diaphragma & muscoli epigastrici antagonistarum instar naturaliter se habeant, facta illius relaxatione expirationis tempore, hi necessario contrahendi sunt: sed vis contractiva musculorum abdominis, quam in hoc opere praecipuam esse diximus, praedictae & repletae intestini parti applicari nequit, quin compri-
29 mat illam ipsiusque cavitatem notabiliter coarctet; neque coarctari potest cavitas intestini, quin contenta denuo propellantur, ergo hac subsequente musculorum infimi ventris contractione, contenta in intestino duodeno fluida jam e ventriculo expressa, rursus expellenda fore consequens est. Porro eadem ingressa materies nerveam intestini membranam tum fluiditatis motu agitando, tum mole concutiendo, tum salibus irritando vellicando, hanc ita afficiet, ut pro mechanica dispositione cerebri, spiritus ejus incolae propter stabilitam nervorum communionem in fibras carneas transmittantur, ipsisque novum contractionis motum impertiant; sed non poterunt illae novum contractionis motum exercere, quin pariter imminuta intestini cavitate, contenta alio recedere cogantur, ergo ulterius evidens est vim contractivam intestinorum, licet minimam, cum priori vi longe majori conjunctam, inclusis fluidis novum superaddere motum illi quo prius agebantur ab impulsione septi transversi, proindeque eadem iterum esse expellenda. Verum quo se recipient? profecto eo loci versus quem minorem invenient resistantiam; sed

sed nihil est in inferiori parte quod contentorum descensum praepediat, tria vero sunt praecipua, ut patet ex jam dictis, in superiori, quae ascensui reluctantur; ergo contenta non sursum, sed deorsum ad secundam & proximam intestini partem, a secunda ad tertiam, a tertia ad aliam, & sic successive, ad podicem usque movenda sunt. Atque haec est ratio mechanica contentorum descensus ex qua satis patet, quantum illi a veritatis tramite deflexerint, qui totum illud negotium in peristalticam villorum intestinalium contractionem refundendum esse sentiebant. 30

His ita expositis de motu vermiculari, arduum non est demonstrare contentorum refluxum repeti non posse a motu antivermiculari intestinorum. Siquidem 1^o. cum ex tradita ab adversariis motus peristaltici mechanica, constet fibras carneas intestinorum a piloro ad obicem successive contractas impedimentum producere, quo praepeditur regressus ascendentium fluidorum, impossibilis videtur antiperistalticus, seu inversus hujusmodi intestinorum motus: namque ut ille fiat, necesse est fibras inferiores obici proximas contrahi, sed istae contrahi nequeunt ob contranitentem scilicet fibrarum superiorum contractionem nondum finitam quae, juxta adversariorum mentem, contractionem antiperistalticam antecessit; ergo impossibilis pariter motus antiperistalticus, ac consequenter ascensus materierum ab hujusmodi causa deduci non potest.

Obstat 2^o. materierum regressui semel accepta motus determinatio a diaphragmate, seu quod idem est, impetus ille quem contenta a diaphragmate mutuuntur, & quem insuperabilem esse certum est. Etenim nemo inficias eat, complanato diaphragmate abdominis viscera deorsum pelli atque adeo illius musculi contractioni cedere; praesertim si attendat ad ea quae geruntur in vomitu, in ejectione faecum, in partu, in singultu, imo & dum pro voluntatis imperantis arbitrio magnam edimus inspirationem: sed illud fieri nequit, quin contenta in intestinis fluida trudentur inferius, adversumque suscipiant motum, ei quo ascensura sunt plane oppositum; ergo hinc liquet vim, qua traduntur inferius contenta a diaphragmatis motu, esse majorem 31

forem illa qua conantur ascendere, ac proinde futurum, ut contractivus septi transversi motus, a causa motrice longe minori, motu nempe antiperistaltico, vinci nullomodo queat.

3°. Demum, cum repetitis diaphragmatis contractionibus, materia chylosa e ventriculo intestinis suppeditetur, novaque semper accedat priorem urgens ulterius, ipsiusque motum progressivum juvans; sequitur qua proportionem obstructum infercitur intestinum motu peristaltico, eadem ferme, superiora replenda fore, ac proinde materiae ad impedimentum devolutae superincumbere fluida, quae pondere suo hujus ascensui reniuntur. Namque ut haec materia sursum ascenderet motu antiperistaltico, deberet pars obici proxima sua contractione totam liquidi super incumbentis columnam attollere, quod nec rationi, nec experientiae congruit; non rationi. Quandoquidem inter agens & patiens debet esse certa quaedam proportio, vis autem infimae partis intestini, quae motum incipit antivermicularem, vix sufficit ad exiguam duntaxat molem contentorum in ejus meatu sursum repellendam; a fortiori impar est toti fluidorum columnae ab obice ad ventriculum superius repellendae. Non experientiae. Etenim juxta observationes infra recensendas, constat intestinum in morbo iliaco prope obicem multum distendi & contractioni suscipiendae ineptum prorsus evadere; ex quo inconcussum manet, vim qua fluida ad intestinum obstructum appellant, esse longe majorem ea qua idem intestinum a praesente materia chylacea aut stercorosa stimulum se contrahere nititur, ac per consequens hanc non posse aliam superare.

Si quis tamen cerebrosis his rationum momentis non convincatur, ad experimentum accedat, sic procedendo: aperto felis adhuc viventis abdomine, intestinum Ileum filo liget, confutoque vulnere felem ab omni vinculo liberum in caveam immittat instructam cibo potuque, atque ita aereo stamine conflata ut ab adstantibus animal possit facile observari: videbit post viginti sex circiter horas plus minusve felem hunc pituitoso vomitu tentari, mox post aliquot horas materiem per superiora rejicere stercus plane redolentem: quo tempore si experimentalis Medi-

cus eorum quae in intestinis geruntur curiosus sit indagator, aperto iterum vulnere, Ileum ligatum & ex abdominis claustro eductum comperiet supra obicem adeo distentum ut duplo aut etiam longe maiorem naturali obtineat diametrum, interius fluidis turgidum, inflammatum supra ligaturam injectam, nulloque motu tam peristaltico quam antiperistaltico praeditum, quantumvis acicula vel scalpello aliisve instrumentis acutis pungatur, aut ipsius membranae dilacerentur; imo persequendo intestina ab obice ad stomachum, observabit fistulam intestinale etiam ad ventriculum usque pergendo repletam esse, hoc interim discrimine, quod quo magis itur ad superiora, eo minus turgida ac distenta intestina appareant, & e contra si fiat progressus a piloro ad obstaculum, major semper reperiatur distensio, 33 ita ut intestina pyramidem quandam non male referant, cujus basis in parte intestini obstructa, cuspis vero in piloro posita sit.

Unde sequitur 1^o. distentionem intestini supra ligaturam vim maiorem ex parte fluidorum appellentium supponere, quam ex parte fibrarum contrahendarum & contenta fluida expellere conantium; ergo intestinales fibrae vi sua vincere nequeunt fluidorum contranitentium impetum, ergo impossibilis earum contractio, praesertim in parte impedimento proximiori.

2^o. Motrices intestinorum fibras haud idoneas esse contractioni deducitur ex inflammatione, quae supra obicem observatur; nam cum inde multum turgeant vasa sanguifera ob praeternaturalem cruoris haerentis & fermentescentis copiam, fieri non potest, quin fibrarum cellulae tum compressionem tum distractionem patiantur, ac proinde adeo angustentur, ut debitum spirituosum laticis penum difficile recipiant, & consequenter quin contractioni impares sint; unde mirum nemini videri debet, si punctum aut quomodocumque vellicatum intestinum in parte supra obicem inflammata, nullo ne minimo quidem motu cieatur. In quo Sennertus, a) Auctor multiplici alioquin nomine commendandus, cum aliis toto coelo aberravit, dum temere

no-

a) Lib. 3. Part. 2. sect. 2. cap. 1. de motu intestin. invers.

nobis obtrudit, quod intestina quae alias obscuro quodam motu moventur, hic, id est in Ileo, manifeste convolvi & quidem versus superiora moveri videntur.

34 3°. Contractionem intestinorum antiperistalticam non solum in parte inflammata, verum etiam superius fieri nequaquam posse exinde perspicuum est, quod intestina, qua parte stomachum, quam qua obicem respiciunt, angustiora reperiantur; quippe cum antiperistalticus motus in inferiori parte incipiat ex Adversariorum sententia, deberet contenta materia versus pilorum propulsa, multo magis superiores intestinorum partes dilatare atque distendere, contra quam tamen accidit.

Hoc unum adicere, invitum me cogit veritatis assequendae cupiditas, praefatum Authorem a) non minus hallucinatum fuisse, cum statuit distributionem chyli ab inverso intestinorum motu impediendam: atque ne quidpiam a me gratis dictum putetur, ipsius verba inferam. Cum secundum naturam distributio chyli & expulsio fiat in intestinis, contrahentibus sese per fibras intestinorum a superiore parte deorsum, id est, a ventriculo versus intestinum rectum, si motus invertatur, & circulares intestinorum fibrae a parte inferiore sursum versus ventriculum contrahantur: quae per inferiora dejici debebant, ad ventriculum adscendunt, & per os rejiciuntur. Habet enim se res sicuti in ventriculo & in vomitu. Nam dum fibrae oblongae oesophagi a parte superiore versus ventriculum se contrahunt, fit deglutitio ciborum. Cum vero inverso hoc agendi ordine a parte inferiore versus superiora sese contrahunt, fit vomitus. Ita etiam dum fibrae intestinorum a parte superiore versus inferiora sese coarctant, fit cibi distributio, 35 & faecum; contra dum versus superiora sese contrahunt, malum hoc excitatur. Mucrone Anatomico mihi veritatem inquirenti res aliter successit; ligato namque Ileo in canibus, peracto viginti quatuor horarum spatio, duarum triumve circiter a pastu, cum iterum eorum abdomen antea consutum aperuissem, vidi non sine maxima voluptate mesenterium millenis ne dicam infinitis vasorum lacteorum surculis conspicuum, quemadmodum obser-

vatur

a) Sennert. ibid.

vatur dum aliquis tentat haec vasa chylifera interempto aliquo animali detegere; idem etiam in iis qui jam faeces evomuerant exploratum habui: ac tandem omnium fidem confirmabit experimentum aliud a me factum: casu quodam fortuito Ileum laxius in cane ligavi, ita ut contentis via aliquantulum deorsum pateret: hunc quadraginta quinque dies vivum domi servavi, quo tempore faeces serius ocyus, nunc per superiora, nunc per inferiora excrevit. Atqui, huiusmodi animal tamdiu non potuisset vitam protrahere absque chyli subsidio, ergo in cane illo iliaco distributio chyli non impediabatur, ut contendit Senner-tus. Undequaque igitur explodendus motus antiperistalticus, quaerendaque alia causa, cur materiae faeculentae ab intestinis ad ventriculum refluant, ut inde per oesophagum, tandemque per os foras eliminentur: quod sequenti articulo enucleandum superest.

ARTICVLVS SECVNDVS

Nostra exponitur sententia.

Vt nostra clarius pateat sententia de Ileo, iuvat statim varias illius causas methodo analytica sigillatim indagare, exordiendo ut moris est a causa proxima & immediata. 36

Quoniam vero ratio formalis passionis iliacae in angustia intestinorum posita est, sequitur ea omnia pro causa proxima esse accusanda, quae poterunt talem intestinorum angustiam immediate producere: nequeunt autem intestina angustari, nisi vel quia eorundem cavitas obstruitur interius, vel exterius comprimitur, vel diutius & magis quam naturaliter fieri solet constringitur & coarctatur. Triplex ergo futura est causa proxima iliaci affectus seorsim examinanda, obstructio nempe, compressio, & major ac diuturnior intestinorum constrictio.

Primo. Multiplici de causa intestina obstruuntur, ut cadaverum Ileo defunctorum sectione satis constat; vel ab induratis faecibus, vel ab aliis corporibus cum ipsis permixtis, nunc ab aggestis in glomum lumbricis, nunc a tumore schirroso aut inflam-

inflammatorio interius genito, interdum a lymphâ præter naturam concreta & indurata, aliquando demum a subingressu partis unius intestini in aliam: hæc ergo & his similia quatenus obstruendo intestinorum angustiam pariunt, pro causis Ileï proximis habenda sunt.

- 37 Faeces obdurescere non possunt & asperitatem aliquam contrahere in intestinis, nisi aqueae partes quibus debetur excrementorum mollities, discutiantur in auras & avolent; nec ita avolare, nisi vel quia augetur vicini sanguinis aestus, vel quia prae nimia mora quam nectunt, naturali existente alioquin sanguinis fermentatione, maxima pars fluidorum dissipatur, remanentque crassiores & sicciores assumptorum particulae, quarum ratione excrementa superficiem valde inaequalem & scabram consecutura sunt. Quidquid ergo aptum erit sanguinis calorem in intestinalibus vasis adaugere, vel consuetum excrementorum descensum remorari, poterit illud omne faeces indurando remote ileum excitare. Intenditur calor sanguinis præterfluentis intestina, vel quia tota sanguinis massa solito magis aestuat, vel quia in intestinis ratione peculiari magis quam in caeteris corporis partibus fermentescit: præternaturalem totius sanguinis fermentationem accersunt assumpta omnia alimenta calida, ut piperata, salsa &c. exercitia immodica, vehementiora animi pathemata, ut ira, gaudium immoderatum &c. bilis, insensibilis transpirationis, fermenti uterini, aliorumque recrementorum, aut excrementorum suppressio, aliaque id genus ex sex rebus nonnaturalibus depromenda; ergo hæc omnia in causarum remotarum & procatharticarum albo reponenda sunt. Insuper licet sanguis in reliquo corpore bene constitutus naturali gaudeat fermentatione, aliunde tamen poterit in intestinorum tunicis aestum suscipere solito majorem, & modo jam dicto
- 38 Ileum inferre excrementa exsiccando, si quacumque de causa vel stagnet & cumuletur in vasis hujusmodi tunicarum, vel extra earum vasa effundatur & inflammatorium tumorem procreet: ergo ulterius intestinorum inflammatio sanguinem intestina peragrantem accendendo, majoremque feri copiam dissipando, poterit intestinalem tubum obturare, ac proinde hac ratione

Ileum mediate producere. Porro retardabunt excrementorum descensum quaecumque assuetam eorum expulsionem praepedient; sed haec praepediri nequit, nisi propter vitium caularum a quibus dependet: causae praecipuae & efficientes sunt vis motrix diaphragmatis, musculorum abdominis, & intestinalium fibrarum; ergo si retineantur faeces in intestinis, id inde erit, quia inhibetur huiusmodi potentiarum vis & contractio. Sed dici non potest illud in praepeditam diaphragmatis & musculorum abdominis contractionem esse refundendum, cum praedictae machinae, quandiu vivit animal, suas successive contractionis vires semper exercent; ergo superest ut asseramus contractiles intestinorum fibras suo constrictionis motu feriari. Hae duplici potissimum ratione vacare possunt a contractionis opere, vel quia resolvuntur & ineptae fiunt motui suscipiendo; vel quia deficit stimulus ille, quo proritata intestina naturaliter contrahuntur; quidquid igitur aliquam intestinorum partem resolvere poterit, vel naturalem eorum tunicae irritationem impedire, poterit quoque, morando consuetam faecum expulsionem, indurare alvinas faeces, & intestina obstruere. Resolvuntur intestina, quoties nervi prospicientes vel obstructionem, vel compressionem, vel laxitatem patiuntur: ergo obstructio, compressio & laxitas nervorum tunicae nerveae prospicientium, causaeque omnes huiusmodi vitia inducentes ex Paralyseos aethiologia deducendae, debent inter causas remotas Ileii annumerari. Tandem deficiet stimulus si deficiat bilis, si partes excrementorum, quae ab assumptis pinguibus prodire, tenaces sint & viscosae, si intestina intus mucosum quodam spissiori & glutineo obducantur, si obstructae glandulae quae in concava intestinorum superficie reperiuntur, a secretionis negotio desistant, nullamque omnino vel saltem minimam mucosae contenti copiam exprimant, diluendis proinde aridarum faecum salibus imparem; ergo haec omnia, impedita bilis secretio vel excretio, alimenta sulphurea ingesta, intestinale fermentum viscosius, & defectus mucosae intestinalis morbum iliacum poterunt remote producere.

Quamvis faeces naturalem liquiditatem obtineant, cujus ratione fibrarum intestinalium pressioni facile obsequantur, si

tamen aliunde corpora quaedam crassiora ac duriora cum ipsis permisceantur, quae fermentorum omnium actionem eludant, & intacta integraque remaneant; sequitur intestina obstruenda fore, praesertim vero si plura simul colligantur, & mediante intestinali mucosae caementi vices gerente compaginentur: ingesti ergo cerasorum aut aliorum fructuum nuclei, calculi pariter deglutiti, vel ex vesica fellea prodeuntes in duodenum, intestinorum viam obturando, descensum contentorum impeditura sunt, proindeque Ileum inductura.

40 Vermes in alicujus intestini cavitate agglomerati & in fasciculos congesti, contentis iter praeccludent, eorumque descensui obstabunt; ergo vermes poterunt quoque obstructionem pariendo, intestina angustare, & modo jam dicto iliacam passionem remote accersere. Lumbrici generantur ab alimentis dulcibus acidisque, non parum conferente coctione laesa & fermentorum aciditate; ergo dulcia omnia alimenta, qualia sunt fructus acido-dulces, imprimis saccharo conditi, mel, saccharum, fermenta austera, cruditates primarum viarum, acida sanguinis diathesis, aliaque, lumbricos generando, poterunt eam inferre intestinalis alvei angustiam, quae ad Ileum constituendum requiritur.

A tumore schirroso in internis intestinorum parietibus genito occludendam esse ductus intestinalis cavitatem, item & ex notabili internae illius substantiae inflammatione canalem obliterandum esse evidens est: schirrus autem a lymphâ indurata, inflammatio a sanguine effuso & fermentescente dependet; ergo quaecunque poterunt vel lymphae in glandulis intestinorum contentae praeternaturalem crassitiem conciliare, vel sanguinis effusioni occasionem praebere, poterunt haec eadem advocare Ileum. Causae itaque omnes quae desumi possunt ex cognita schirri & phlegmones natura, considerari debent tanquam causae mediatae illius affectus.

41 Eundem praestabit effectum succus ille mucosus lubricandae alvo a natura destinatus, qui per glandulas secundum intestinorum longitudinem dispersas continuo in propriam tubi intestinalis cavitatem eructatur, si gypseam (ut fuit ab Authoribus obser-

observatum) vel duriores adhuc consistentiam acquirat, praesertim vero in crassioribus intestinis, in quibus huiusmodi succus, utpote spissior, potest facilius multo indurescere: hoc etenim indurato debet praeccludi via expressis superne deorsum contentis; & ratione iam allata Ileus introduci. Ideo autem succus ille lymphaticus indurescit, vel quia spiculis acidis sulphureae illius partes coagulantur, vel quia prae fervore partium circumfusarum, tenuioribus aqueisque dissipatis, duritiem quasi lapideam adipiscitur. Spicula acida ex digestionem laesa & ad acidum vergente oriuntur, fervent circumfusae partes vel ob inflammationem vicinam, vel ob fervorem totius sanguinis, ut dictum fuit superius. Ergo quaecumque coctionem laedent, chylumque acidum generabunt, ut sunt alimenta acida, fermentum stomachale vel salivale acidum, tristitia, vita sedentaria, aliaque; quaecumque similiter tum totius sanguinis, tum illius solum qui intestinorum substantiam aut partes viciniores peragrat, calorem adaugebunt, poterunt in causarum remotarum catalogo recenseri.

Tandem si complicantur intestina ita ut pars superior subeat intestini partem inferiorem, vel vice versa, obliteranda quoque fore intestina, & consequenter convolvulum excitandum consequens est. 1°. Pars superior alicuius intestini ab inferiori absorbetur, vel quod tumor schirrhosus interioribus intestinorum parietibus ex uno duntaxat latere adnatus sensim deorsum devolvatur, partemque superiorem sibi annexam in subjectam inferiorem proripiat; vel quod pars inferna ita dilatetur & amplietur, ut conspirantibus situ perpendiculari aut ad perpendicularem accedente, nec non superjectarum partium pondere & impulsu, superiorem ipsi continuam admittat & in se recipiat. 2°. Partem inferiorem a superiori absorberi verisimile est ab eadem dilatatione intestini praeternaturali, favente diverso situ & priori plane opposito. Quidquid igitur vel tumorem schirrhosum in intestinis gignere; vel alicubi intestina praetermodum dilatare poterit; poterit quoque illud omne Ileum remote inferre: tumores schirrhosi a lymphâ crassa & haerente, crassities lymphae arguit crassitiem sanguinis a quo proficiscitur; distenduntur nimio-

impopere intestinorum membranae a flatibus, ut in colica flatulenta, flatus a laesa alimentorum concoctione: ergo ulterius lymphæ crassa, sanguis viscidus, flatus & coctio laesa tanquam causæ remotæ Iliacæ affectionis spectanda sunt.

Ne quis autem intricatum existimet mechanismum, quo mutinus ille perficitur ingressus partis supernae in infernam & vicissim, juvat nunc obiter antequam alias causas aggrediar, mechanicam hanc quæ tota simplicissima est paucis pro modulo mentis exponere.

Quocirca fingamus (fig. 4.) tumorem *e.* ortum in parte *i.* intestini *A. B. C. D.* cujuscumque sit figurae regularis vel irregularis, modo ejus sit magnitudinis, quæ spatio *i. 2.* penitus replendo sufficiat, ita ut contenta in parte superiori *A. B.* pergere iter non possint ad partem *C. D.* ejusdem intestini inferiorem; hoc posito, dico facile intelligi, cur pars *A. B.* ab inferiori *C. D.* hauriatur; enim vero cum spatium *i. 2.* per quod devolvenda sunt contenta, ut ad inferiora præcipitentur omnino repletum sit, nullusque pateat aditus quo versus *C. D.* expelli possint, sequitur fore ut contenta ob resistantiam cui statim occurrerent, gradum sistant in *B.* ibidemque aliquamdiu detineantur; quoniam vero, ex iis quæ superius dicta sunt, liquet materiam chylaceam propelli continuo a stomacho ad intestina, planum est continuo quoque novam ad locum obstructum *B.* materiae copiam perventuram, hanc proinde aggerendam assidue, tandemque tanta copia cumulandam, ut tumor *e.* qua proprio gravitatis nisu, qua fluidorum superincumbentium pondere, qua eorundem impulsu a diaphragmate, musculis abdominis, & intestinis superne deorsum trudendus sit, & spatium inferius occupare necesse habeat; cumque tumor annexus sit determinatæ & mobili intestini parti *i.* non poterit trudi ad partem *C.* quin superiorem *A. B.* cui adhaeret in inferiorem *C. D.* secum abripiat, ita ut, devoluto sensim ac sine sensu tumore, intestina eo ferme modo complicari necesse sit quo in figura *5.* representatur.

Hinc colliges plura desiderari machinamenta quæ tumoris volutationem & descensum promoveant, neque mechanicam

hanc (ut neotericis placet) ex sola fibrarum intestinorum annularium contractione deducendam; quippe vis earum minor est, quam ut possit sola tumoris resistantiam superare, fibrasque superiores annexas & renitentes inferius compellere: hanc tamen si quis statuatur pro causa juvante & determinante tumorem cum aliis praecipuis causis conjunctam, non habebit me repugnantem. 44

Absit ut cum iisdem statuam, ex fibrarum longitudinalium convulsione, tunicas intestina interius vestientes ita duplicari posse ut tumores gemini hinc & illinc in intestini cavitate excitati, accedente dein fibrarum annularium contractione, ad inferiora praecipitentur, revolutique circa proprium centrum intestinorum convolutionem pariant. Etenim 1^o. Cum illud advensetur motus peristaltici legibus quae ab illis admittuntur, & quibus constat fibras orbiculares esse longitudinalium antagonistas, nec usquam posse nisi alias post alias suum contractionis motum exercere; futurum necessario ut convulsis longitudinalibus annulares otientur vel vice-versa, adeoque vel longitudinalibus relaxatis tumores desinant & discutiantur, vel non contractis orbicularibus tumores a convulsione longitudinalium excitati revolvi nullo modo possint. Praeterea cum ipsasmo correptis longitudinalibus, orbicularium nervi distrahi debeant, nec distrahi possint nervi fibris orbicularibus prospicientes, quin difficulter omnino spirituosum fluidum accipiant ac proinde hac ratione ineundae contractioni impares sint, sequitur superiorem alicujus intestini partem ab hujusmodi convulsione in aliam intrudi nequaquam posse, & serie necessaria hanc non esse causam complicationis intestinorum. Interim non diffiteor a tali convulsione posse Ileum induci, sed illud simpliciter ex praecclusa contentis via a praeternaturali intestinorum constrictione, nequaquam vero ex eorum convolutione repetendum existimo.

Hinc pariter refellendi sunt (neque enim majori fundamento innituntur) qui contendunt ob eandem convulsione[m] posse inferiorem alicujus intestini partem a superiori absorberi, supponendo fibram orbicularem, quae posita est infra centrum tumorum retrahi, sicque continuata serie contractionum a parte inferiori- 45

feriori ad superiorem tumores secundum eandem directionem motus volutandos esse: praeterquam enim quod, ut jam diximus, vinci nequit convulsio longitudinalium, & impossibilis est annularium contractio, accedit insuper quod non dum inverso intestinorum motu fibrae superiores debuerint prius contrahi inferioribus, & consequenter partem superiorem annexam potius ad inferiora proripiendam, quam inferiorem ad superiora.

Porro citra tumorem eodem modo intestina convolvi posse cuilibet vel paululum attendenti manifestum fiet, si supponamus 1^o. Colligi alicubi materias quasdam flatulentas puta in parte *d. e. f. g.* intestini *A. B. C. D. E. F.* fig. 6. ita ut hoc in loco intestinum eam patiatur distentionem cujus ratione acquirat diametrum *t. u.* quadruplo majorem naturali *x. y.* 2^o. Hunc esse intestini situm, ut pars superior *A. B.* alicui ex jam suppositis praelis subjecta singulis illorum ictibus pateat. Cum enim his ita suppositis pars *A. B.* quae multo strictior est & angustior continuo a causa motrice superius agente (diaphragma vel musculos abdominis intellige) inferius propellatur, protrudenda erit favente situ versus cavitatem partis inferioris *C. D.* magis
 46 apertam eoque facilius quod pars intestini superna *A. B.* gracilior evadat a suscepto motu peristaltico, cui ineundo impar omnino est pars inferior *C. D.* ob nimiam inembranarum distentionem ac tandem successivis vel septi transversi vel alterius causae impulsibus inferior pars *C. D.* superiorem *A. B.* admittet.

Partem vero *C. D.* ejusdem intestini (vid. fig. 7.) quae inferior est habito respectu ad partem *A. B.* subjectam inferiorem *E. F.* absorbere posse facile concipiet quisquis supponet partem *C. D.* quadruplo magis dilatatam multo majorem in se recipere atque continere materiarum copiam: non possunt enim hujusmodi materiae majori quantitate ibidem cumulari, totumque spatium *r. s. t. u. p. q.* replere, quin multum gravitent in partes laterales inferiores *p. q.* quae nullo corpore fulciuntur, easque vi impulsione susceptae ad inferiora propellant; quin pariter

pars intestini *m. f.* inclinet ad partem *f. i.* pars vero *n. g.* ad partem *g. 2.* ita ut puncta *m. n.* ad *1. 2.* perveniant. Sed ita incurvari nequeunt partes *m. f. n. g.* quin adducantur simul puncta *h. k. l. o.* trahaturque punctum *h.* in *m.* punctum *k.* in *n. l.* in *h. & o.* in *k.* serieque necessaria puncta *d. e.* deorsum devolvantur in *a. b.* ac tandem extrema superiora intestini *7. 8.* in *9. 10.* ergo pars haec intestini dilatata *C. D.* naturalem mutabit situm & saccum utrimque pendulum *H. H.* constituet. Caeterum. Quoniam contenta cujuscumque indolis sint, vi sua deprimendo partes *p. q.* & saccos *H. H.* efformando, partes *f. g.* lateraliter comprimunt, debebunt istae ad sese mutuo accedere, ac proinde intestini cavitatem imminuere in *E.* quomodo in fig. 8. representatur. 47

Porro cum fluida in duplici sacco *H. H.* inclusa, pondere & impulsu novas continuo exerant vires in partes inferiores *h. k.* planum est, si istae deprimantur, atque ita partibus intestini inferioribus applicentur, ut punctum *h.* cadat in *3.* & punctum *k.* in *4.* fore ut eadem prorsus mechanica partes intestini dilatati *C. D. D.* ulterius demittantur: planum est quoque trudenda inferius singula puncta secundum intestini longitudinem ducta, adeoque puncta *l. o.* in *h. k.* *a. b.* in *c. d.* & extrema laterum *9. 10.* in *11. 12.* rursus esse adducenda, ac demum liquet latera intestini obvoluti *r. f. r. g.* introrsum ex utraque parte compellenda, ita ut hinc inde gemini sacci *I. I.* emergant prioris figurae saccis *H. H.* ampliores, quemadmodum patet in fig. 9.

Quoniam insuper tum contentae tum & aliae, quae de novo semper depluunt, materiae in saccis *I. I.* (fig. 9.) coacervatae ponderant in *l. o.* partemque obvolventem magis ac magis ad inferiora protrudunt, futurum ut sacci gemini *I. I.* eam altitudinem adipiscantur, ut puncta *l. o.* respondeant punctis *5. 6.* & sacci *6. 6.* saccis *I. I.* grandiores efformentur: futurum quoque ut puncta *c. d.* ad *2. f.* & extrema *11. 12.* hinc inde ad *13. 14.* transferantur. Similiter comprimenda intestini obvoluti latera *r. f. r. g.* ipsiusque diametros imminuenda, ac per consequens partem *E. F.* intestini inferiorem a superiori *C. D. D.* absorberi oportet tota longitudine laterum *1. 3. 5.* & *2. 4. 6.* tandemque ex

hoc subingressu lateribus intestini *E. F.* inferri compressionem, deleatur prorsus illius cavitas, ac proinde excrementorum via penitus intercipiatur, ut exhibet fig. 10.

Denique cum intestina sint canales circulares, multisque gyris & anfractibus secundum totam sui longitudinem mire contorqueantur, si principium eorum & finem excipias, sequitur si diversae eorundem partes seorsim considerentur, impulsus diaphragmatis vel musculorum abdominis nunc superioris, nunc inferioris intestinorum partis descensui favere; ac proinde pro diversitate situs modo superiorem, ut dictum fuit, ab inferiori, modo inferiorem a superiori hauriendam. Quod in fig. 11. planum fiet, in qua intestinum Ileum varie contortum exhibetur cujus principium supponitur in *A.* & finis in *G.* hoc posito, si ampliatur pars *E.* inferior parte *B.* certe quoniam tunc temporis superincumbit pondus partis superioris *B.* quae aliunde a contracto diaphragmate superne deorsum impellitur, nemini mirum videbitur si pars superna & angustior *B.* in subjectam latiore *E.* introducatur: sin vero pars *F.* inferior quidem parte *C.* habita ratione situs, superior tamen illa ratione continuitatis intestinorum laxior evadat plurimumque dilatetur, fieri non poterit quin, rationibus jam allatis, pars *C.* remotior a ventriculo proindeque inferior, in proximior *F.* & superiorem rapiatur, adeoque pro diversa intestinorum positura superiorem in inferiorem, vel vice-versa intrudendam fore evidens est.

- 49 Secundo. Intestina duplici modo comprimi possunt, vel 1^o. quia naturalem mutant situm & quae antea in amplo abdominis cavo libere fluitabant, nunc in angusto loco reposita, stranguantur, ut contingit in herniis umbilici, inguinum, scroti, & femorum; vel quia eorum parietes ab aliquo tumore in partibus vicinis genito deprimuntur exterius, & ad intimiorem contactum perducuntur. Herniae ergo omnes, item tumores partium intestinorum vicinarum, Ileum remote accersitura sunt. Prolapsum intestini in scrotum & in alias partes causant tussis violenta, vociferationes, casus, conatus vehementissimi, ponderum immensorum gestatio & similia: ergo haec omnia causae

remotae Ilei futurae sunt. Partes intestinorum vicinae tumore affici possunt vel frigido & scirrhuso, vel calido & phlegmonode, ergo quaecumque apta erunt tumores frigidos vel inflammatorios huiusmodi producere, poterunt quoque Ileum mediate promovere; sed haec sunt nimia lymphae crassities & sanguis praeternaturam viscidus, vel fermentescens & effusus in parte, ergo ulterius haec non modo tumores in interna intestinorum substantia pariendo & eadem obstruendo, verum etiam comprimendo exterius, deletura intestinale ductum proindeque Ileum illatura sunt.

Tertio demum. Cum intestina naturaliter constringi nequeant, nisi ope fibrarum ex quibus membrana eorum musculosa contextitur; quoniam insuper cum omnibus Anatomicis duplicem fibrarum ordinem admittimus, quarum contractione breviori atque arctiori ductum intestinorum necesse sit; sequitur constrictionem praeternaturalem, qua inhibetur contentorum excretio, imperviusque redditur canalis materiis superne deorsum expellendis, refundendam esse in constantem & praeternaturalem contractionem villorum tam longitudinalium quam annularium, seu quod idem est, ad eorum convulsionem: sin autem haec nequeat vinci a motu machinarum impellentium, neque a pondere aut motu fluidorum contentorum, ut patet ex cognita convulsionis natura qua constat brachium v. g. convulsus flexumque aliquando frangi potius, quam musculorum flexorum resistantiam superari; perspicuum est insuperabilem futurum esse obicem contentorum descensui. Convulsio ergo fibrarum intestinalium passionem Iliacam inductura erit, constringendo praeternaturaliter intestina eaque obliterando: convelluntur hae fibrae a majori spirituum animalium influxu, hi uberius solito influunt ob praevium copiosorem ab intestinis refluxum, refluxus ille a vehemente irritatione tunicae nerveae, irritatio demum vehemens a materia quadam acris & mordaci in nervos intestinales valide impingente, praesertim vero intestinorum interiorum orbatis muco illo quo naturaliter obliniuntur & laevigantur, materia acris & mordax vel a laesa digestionem, vel ab ulcere interno, vel ab assumptorum vitio sobolescit; laesa ergo chy-

chylosis aut haematosis quae ad acre terminantur, cibi acres, venena interius assumpta, ulcus pariter in intestinis enatum a praevia inflammatione, ut in dyssenteria saepe contingit, stimulan-
51 do ad convulsionem fibras carneas intestinales, ductum penitus constringere, concludorum commeatum praepedire, ac proinde Iliacum affectum mediate inferre poterunt.

Jam vero expositis causis ilei tum proximis cum remotis, ordo postulat, detegamus modum quo contenta in intestinis sine motu antiperistaltico remeant ad stomachum, ut inde per os ster-
coris qualitatibus infecta foras ejiciantur. Hunc autem paucis eruere non erit arduum, (neque enim nodus in scirpo est) si duo duntaxat supponamus quae a nemine negari possunt. 1^o. Obicem in aliqua intestinorum parte insuperabilem. 2^o. Plen-
norem intestinale tubum. His ita constitutis, cum contenta liquida tum motu peristaltico & naturali intestinorum, tum contractionibus musculorum abdominis superincumbentium, tum denique diaphragmatis impulsu motum suscipiant ac pro-
inde mutare locum cogantur; cumque, ut dictum fuit in praecedenti articulo, haec sit fluidorum proprietas essentialis ut sese facile diffundant, fluantque in motum acta ad locum in quo minorem inveniunt resistantiam, minoremque reperiant versus pilorum quam versus obicem qui insuperabilis est ex suppo-
sito: sequitur fore, ut haec eadem contenta, non obstantibus, proprio pondere, fluidorum retro appellentium gravitate & impetu, atque successivis diaphragmatis impulsibus pilori ostium subeant, & ad ventriculi fundum revolvantur. Rursus quoniam hujusmodi materiae ab intestinis refluentes, prius varios alterationis gradus passae sunt in stomachali & intestinali cavo,
52 earumque salia valde extricata & a reliquarum partium consortio libera sunt, ac per consequens irritandae membranae nerveae maxime idonea; futurum, ut dum pervenerint ad stomachum, tunicam ejusdem nerveam & praesertim orificium superius fortiter lacerant, proindeque vomitum cieant, quo mox regressa ad ventriculum, inde per superiora expellantur. Intestinorum obici nemo refragatur: plenitudinem consueta sym-
ptoma-

ptomatum series, tempus quo contingit vomitus, Auctorum testimonia & observationes, nec non experimenta mox recensenda manifeste demonstrant.

Et quidem 1^o. Cum statim ab angustia facta in intestinis non fiat vomitus, sed alia bene multa praecedere soleant symptomata, ut dolores infimi ventris, intestinorum strepitus, borborygmi, tensio abdominis, ructus, nausea, aliaque a fluidis redundantibus oriunda, patet intestina prius esse replenda ab obice ad ventriculum quam contenta ab intestinis ad pilorum iter reflectant; immo quoniam materiae primis vomendi conatibus rejectae pituitosae vel biliosae sunt, neque ullo foetore inquinantur: sequitur ea quae in stomacho, duodeno, aliisque proximioribus intestinis includuntur, utpote quae nondum ultimum hunc alterationis gradum ratione cuius foetent adepta sunt, prius esse rejicienda, ac tandem adauctis contractionibus potentiarum motricium, vacuanda alia intestina & in stomachum exoneranda: quae omnia plenitudinem intestinorum supponunt.

2^o. Cum vomitus, ut plurimum non nisi duobus, tribus, aut quatuor diebus a facto impedimento, hernia v. g. superveniat, eoque tempore aegri juscula, medicamina, aliave ingerant; 53 quoniam similiter saliva, fermentum ventriculi, bilis, succus pancreaticus, mucus intestinalis, continuo a sanguine secreta suppeditantur, motuque suscepto a palato ad stomachum, a stomacho ad duodenum, tandemque ad obicem perducuntur: sequitur intestinorum ductum a parte obstructa ad stomachum usque fluidis plus aequo saturandum. Praeterea constanter expertus sum animalia quibus ligato intestino passionem iliacam inferbam, pro varia ipsorum magnitudine, assumptorum quantitate, & pro diversitate partis affectae, nunc citius, nunc tardius evomere ita ut felium catuli, felibus; feles, canibus; inter canes, minores; inter animalia ejusdem magnitudinis, bruta quorum intestina minus procul a ventriculo ligaveram, aliis ocyus vomitu corriperebantur. Sed in his citius quam in illis intestinalem ductum repleti evidens est, ergo liquido patet totum illud ab intestinorum plenitudine citiori vel tardiori repetendum.

3^o. Auctores celeberrimi, (ut liquet ex eorum monumentis) sententiam meam confirmare videntur. Et ne cui taedio foret plures libros evolvere, ipsissima nonnullorum verba quae ad propositum spectant huc referenda duxi. Multi dum afferunt in medium signa quibus indicatur sedes angustiae, in ea sunt sententia, ut credant tenuia esse affecta, si in principio morbi vomitus accidat: secus, crassorum affectionem designari. Si aegri statim & initio vomant, inquit Jacobus Fontanus a) *tenuia intestina afficiuntur, si vero post aut tertio aut quarto die vomitiones su-*
54 *perveniant, affectionis magnitudo declaratur, & affectus crassorum intestinorum.* Iisdem ferme verbis utitur Sennertus b) dum ait: *Si tenuia intestina affecta sint, stomachi distentio adest & spiritus angustia, ac nausea, atque vomitus assidui & vehementes, ita, ut nec potus contineri queat, paulo post & stercoris vomitus sequitur, dolor & tormina magis ad superiora vergunt. Si in crassis causa consistat, vomitus non ita continuo durat, dolor ad hypochondria magis pervenit & lumborum adest gravitas, vomitus stercoris tardus supervenit.* Unde pronum est concludere, prout intestina citius aut tardius replentur, vomitum vel serius vel tardius excitari.

Aliqui intestinorum canalis repletionem exinde statuere mihi visi sunt, quod retinenda esse contenta propter viae angustiam ac proinde congerenda autument. Sunt c) autem Ilei, id est, volvuli cibi superfluitatum quae per alvum inferiorem excernuntur retentiores. Deorsum d) vero expultrix (facultas) movere non valet, quia pars dolens, pondus excrementorum praeterlabentium non sustinet. Cujus quidem e) (Ilei) vitio cibus & faeces non permeant, sed primum in alvo subsistunt. Subsistunt f) siquidem (excrementa) in intestinis per plures dies. Horum omnium sententiae adstipu-

lam-

a) Medicin. Pract. lib. 3. cap. 28.

b) Lib. 3. part. 2. sect. 2. cap. 1. De sign. diagn. Ilei;

c) Galen. in Aph. Hypp. 22. lib. 3.

d) Duncanus, Patholog. lib. 2. cap. 11.

e) Lud. Duretus, in Conc. Hypp. cap. 21.

f) Ranchinus, de morb. subitan. cap. 26.

lantur, Petrus Sal. divers. a) Mercurial. b) Zacut. Lusitan. c) Deleboe d), aliique quorum singulorum effatis recensendis 55
brevitatis causa superledeo. Ad haec, omnes ferme ventris intumescantiam signum proprium & peculiare passioni iliacae assignant, quod sane plenitudinem intestinorum praesupponit: ac tandem opinionem hanc duae sequentes observationes mirum in modum comprobant. A cydoniato, inquit Platerus e), meatum illum juxta caecum dictum intestinum obstruente, acerbissimos iliacos cruciatus, cum omnimoda alvi suppressione, vomitioneque excrementorum & syncope, puellam passam fuisse, atque in illa ex hoc casu mortua sectaque, cydoniatum adhuc deprehensum fuisse, docet Fernel. tantamque congeriem excrementorum ob oclusum exitum in intestinis tenuibus fuisse congestam, ab illisque distentionem factam, ut illis ruptis faeces in abdomen decidisse observavit. Haud absimilis est observatio Riverii f) quondam in hac Academia Professoris Regii post hominum memoriam clarissimi: Die 29. Mensis Januarii 1644. D. Guilielmus Patris in Curia Praesidiali Monspe-
liensi Consiliarius, laborare coepit colico dolore die decima tertia morbi (Ilei) e medio sublatus est. Aperto cadavere, inventum est intestinum Ileon tribus complicationibus convolutum intestina reliqua amplissima apparebant, ut brachii magnitudinem aequarent. Praeterea intestinum gangraena affectum, perforatum erat supra complicationem; existimo a pondere materiae contentae in superioribus intestinis fuisse disruptum, &c.

Denique ut omnis hac de re tolleretur scrupulus, gnarus aliunde intestina in inguen, scrotum, aliasque partes delapta, tumida multum & inflammata semper reperta fuisse, decrevi iliacorum animalium intestina ipso vomitus tempore explorare. 56
Quoties itaque ligatis alicubi intestinis, felem vel canem ad experiendam plenitudinem ileo afficiendum curavi, aperto dein vulnere paulo ante vomitum, toties intestina ab im-
pedi-

a) Comment. in lib. 3. Hypp. de morbis.

b) De affect. infim. ventr. lib. 3. cap. 27.

c) Prax. Hystor. lib. ult. cap. 2. n. 2.

d) Prax. Medic. lib. 1. cap. 15.

e) De ventr. dolor. cap. 13.

f) Observat. Centur. 3. obs. 26.

pedimento ad ventriculum flatibus aut materiis fluidis repleta deprehendi: post vomitum vero depleta quidem in locis stomacho vicinioribus, sed semper quoad magnam partem, praeprimis versus obicem turgida: quin imo pluries iterato vomitu tandem animali extincto, sectoque secundum lineae albae longitudinem abdomine, eadem intestina qua parte obicem spectabant ad quinque, sex, septemve pedes plus minus praetermodum distenta observavi.

Ex his omnibus colligere est, in passione iliaca obicem semper existere a quacumque ex recensitis causis productum, quidquid obtrudant nobis recentiores quidam qui in hoc affectu quandoque liberum esse ductum intestinale sentiunt. Proponamus & expendamus modum quo rem ita fieri posse intelligunt: supponunt illi levem inflammationem vel dispositionem ulcerosam interioris intestinorum membranae, glandulosae scilicet, cujus ratione obtusus alioquin illius sensus mire acuitur, fitque adeo exquisitus ut vel a causa levi acriter percellatur; hoc posito, statuunt minimo impresso motu ab exigua materiae descendens portione motum intestinorum naturalem esse invertendum, repellendaque proinde inferne sursum contenta fluida.

57 Etenim, inquit, haec nequeunt parti inflammatae & exquisitissime sentienti offerri, quin statim fibrae tum longitudinales cum orbiculares validius constringantur pro ratione validioris irritationis jam factae, nec ita vehementius constringi, quin vel etiam primo fluidorum appulsu interna intestini cavitas obturetur, ergo haec eadem sursum refluent & ad stomachum unde prodierant revertentur. Verum ex hac levi phlogosi vel dispositione ulcerosa motum antiperistalticum deduci posse non video, hoc unum exinde inferre licet, nimirum fibras intestinales parti leviter inflammatae superincumbentes ad vehementiorem solito contractionis motum stimulari, contentaque fortius citiusque ad inferiora protrudere: quod figura 12. illustrabitur, supponendo materiam chylaceam motu ordinario ab *A.* in *M.* trusam ad partem inflammataam *C. D.* pertingere; etenim vel haec oblata materies subibit cavitatem intestini partis *C. D.* & respondebit fibris 7. 8. 9. 10. 11. 12. vel haerebit in vicinio &

tanget partem sanam ejusdem intestini superiorem quae respondet fibris annularibus 1. 2. 3. 4. 5. 6. si ^{1um} contractis fibris superincumbentibus 7. 8. 9. 10. 11. 12. coarctabitur pars haec intestini C. D. contentaque aliquorsum expellentur: non versus B. quae pars nondum remisit a contractione priori qua propulsa fuerunt contenta ad locum inflammatum C. D. ergo in partem E. subsequenter, deinde in F. mox in M. quemadmodum fit naturaliter impellenda erunt, tantoque vehementius, quanto uberius fuit ob majorem partis inflammatae irritationem spirituum in laudatas fibras affluxus; ac proinde ⁵⁸ vehementiorem fore ac promptiorem motum intestinorum peristalticum, non autem ipsius directionem immutatum iri consequens est. Si ^{2um} hoc est, si contenta partem inflammatam non ingrediantur, sed in ostio tantum remaneant; quoniam nervorum communione fiet ut irritatis fibrillis interioribus nerveis quae respondent fibris carneis 1. 2. 3. 4. 5. 6. hae necessario in contractionis motum adigantur, expellantque proinde contenta fluida intestinale alveum coarctando, cum insuper contenta non possint sursum remeare ad B. ob perseverantem adhuc partis illius superioris angustiam, ut patet ex statuta ab ipsis motus vermicularis mechanica, & e contra cursum suum continuare facile queant per partem ductus inferiorem quae utpote leviter inflammata, aperta supponitur, sequitur manifeste haec eadem fluida inferne potius quam sursum esse protrudenda.

Si quis huic ratiocinio non cedat, victrici cedat experientiae: constat in lyentericis intestina deterio muco dispositione inflammatoria seu phlogosi, & in dysentericis inflammatione, ulcere, aut utrisque simul, si non semper, saltem ut plurimum tentari, atque adeo liquet liberum manentem intestinale ductum non posse occludi, & contentorum versus stomachum repulsui ansam praebere, quin potius eadem contenta validius celeriusque per inferiora deturbanda, ut probat alvi fluxus; attamen ingenue fateor aliquando a praedictis causis ita constringi posse atque obliterari intestinale tubum, ut praepedita prorsus ⁵⁹ contentis via, affectio Iliaca inducatur: quemadmodum ex inferius dicendis planum fiet.

Neque

Neque putet quispiam cum Sennerto, ex eo quod interdum clysteres & suppositoria in Ileo vomitu rejiciantur, apertam esse quandoque intestinorum viam: libera quidem est in his casibus a ventriculo ad podicem, sed in hoc adest impedimentum, nimirum Inflammatio quae faecum exclusioni per inferiora ineluctabiliter resistit. Non refert autem an in extremitate recti, an superius fiat intestinorum angustia, semper enim ex aequo praepedita faecum expulsionem naturali, positaque ductus intestinalis plenitudine, modo jam dicto passio Iliaca inducenda est.

Investigandum superest qui fieri possit ut intrusa enemata vel suppositoria sursum ferantur in Ileo, ac tandem per os vomitu rejiciantur, ut asserunt Matthaeus de Gradibus, Guainerius, & Jacobus Optheus, ita referente Sennerto. Phaenomenon illud Auctorum omnium ingenium non parum torquet, & licet a vero alienum esse appareat, quin & suspectum fautoribus motus antiperistaltici, nostram tamen requirit indaginem, utpote quod rem leviter examinantibus, & favere motui antiperistaltico, & nostrae sententiae prorsus adversari videtur: neque in hoc opere multum desudabimus, quippe ex jam statutis per se satis explicatur. Et primo quidem quoad clysteres ex supposito ani obice & intestinorum repletionem, rem totam facile erit deducere: cum etenim enemata a vi exterius agente & obice
60 cem superante introrsum maxima cum vehementia propellantur, nec possint semel propulsa rursus per podicem excerni, debent necessario jam distentas intestinorum membranas magis ac magis distendere & ampliare; quoniam vero ex hac majori distensione, tunica nervea rursus & de novo quandam distractionem patitur, refluuntque spiritus e tubulis nerveis ad cerebrum, fiet propter nervorum viciniam in emporio ut spiritus dein in nervos movendis intestinis dicatos determinantur, quibus necessitate mechanica contractis (accedente praesertim diaphragmatis & muscutorum epigastricorum contractione) contenta mixta cum partibus enematum superius ad pilorum & ventriculum evehi necesse est, tantoque facilius quo semel hanc motus determinationem susceperunt a causa externa. Nec quis dicat valvulam intestini coli, quae faecum a crassis intestinis ad Ileum egressui

obstat naturaliter, hoc in morbo idem praestare posse; attendat, quaeso, ad intestinorum repletionem qua supposita, haud difficulter concipitur quo pacto valvula haec, quae prius occludebat cavitatem ductus, aperta maneat a fluidis redundantibus, & ita intestinorum parietibus adhaereat, ut liberum materierum itum & reditum permittat. Hanc objectionem dirimant alii quibus talis plenitudo non arridet.

2^o. Multo major occurrit difficultas in explicando supposito-
riorum ascensu; cum enim illa liberum obtineant exitum, potius
expellenda videntur per podicem quam protrudenda superius,
vel superius protrusa, haesitura prope obicem nec sitis
unquam posse ponderis, molis, & soliditatis ratione jam suppo-
praelis exterius comprimentibus obsequi, & inferne sur-
sum impelli: interim tamen totum illud negotium non ita ar-
duum est & explicatu difficile ac prima fronte videtur. Enim
vero rem accurate perpendenti, glandium ascensum sine ullo
motu antiperistaltico intestinorum absolvi, fidem faciunt ea quae
geruntur in alvi constipatione, dum excrementa diversis tem-
poribus excluduntur; nam si primo longa siccorum excremen-
torum quasi metula semel magnam partem exclusa per podicem,
dein sphincter ani musculique levatores suam contractionem in-
cant, observamus susceptum excretionis motum multum adju-
vari, illamque ex toto facilius multo citiusque foras expelli: sin
e contra majori ipsius portione intus manente, seu quo tempo-
re induratae faeces ano offeruntur, sphincterem constringi simul
& levare vel, quod idem est, introrsum pelli contigerit, ex-
perimur induratas faeces violenter repelli; illud autem non re-
petendum venit a motu antiperistaltico, sed potius a modo quo
sphincter ani contractus excrementis ejiciendis applicatur, si
parti excrementorum superiori, haec expellenda erunt, sin ve-
ro inferiori, impellenda sursum & ad superiores partes a quibus
prodierant maximo cum impetu revocanda, haud absimili fer-
me modo, quo quis corpus lubricum in vola manus inclusum
secundum varia extrema nunc in unam partem, nunc in aliam
priori adversam trudet pro varia digitorum comprimentium ap-
plicatione: verum ut hujusce rei theoria certius innotescat, cum
glan-

glandium figura ad ovalem accedat, cumque mathematici vires lineis aut superficiebus curvis applicatas per relationem ad curvarum tangentes inquirent, sit planum $A. B. C. D.$ (fig. 13.) ex duobus triangulis $A. B. D.$ & $C. B. D.$ secundum bases unitis compositum: insuper hoc planum vel ad partem mediam $B. D.$ vel ad $y. x.$ vel ad $z. v.$ aequaliter comprimatur, si ad $B. D.$ vis agens per lineas $b. B.$ & $f. D.$ aequalis est & diametraliter opposita, ergo planum $A. B. C. D.$ immotum manere debet.

Si vis comprimens applicetur lateri $A. B.$ ad punctum $y.$ secundum lineam $r. y.$ aget cum duplici determinatione, altera perpendiculari ab $r.$ in $p.$ altera parallela lateri $A. B.$ ab $r.$ in $f.$ sed planum illud non poterit impelli secundum determinationem $r. f.$ parallelam, quae proinde nullam vim inferet lateri $A. B.$ ergo tota vis comprimens, in hoc latus aget juxta determinationem perpendicularem $r. p.$ & consequenter planum huic pressioni cedens movendum erit per lineam $p. e.$ simili prorsus ratione vis in latus oppositum $A. D.$ aget secundum lineam $k. x.$ cum duplici determinatione, parallela $k. o.$ & perpendiculari $k. m.$ cumque non possit agere determinatione parallela $k. o.$ sola $k. m.$ hoc latus secundum eandem determinationem ex $m.$ in $c.$ propellet. Dumque haec duo latera $A. B.$ & $A. D.$ simul utrimque viribus aequalibus prementur in $y. x.$ juxta lineas $r. y.$ & $k. x.$ futurum ut planum illud nec per lineam $p. e.$ nec per oppositam $m. c.$ ullo modo moveri possit, obstantibus hinc & illinc ad $y. x.$ aequalibus virium comprimementum conatibus, proindeque deorsum perpendiculariter tendat necesse est, mediamque lineam $A. l. C. d.$ percurrat.

Quod si eadem vires ad latera $C. B.$ & $C. D.$ punctis $z. u.$ cum iisdem determinationibus applicentur, hinc per lineam $t. z.$ illinc per lineam $q. u.$ quandoquidem non agent secundum determinationes parallelas $t. i.$ aut $q. n.$ planum $A. B. C. D.$ nec lineam $q. a.$ nec $t. g.$ describet, (ut ex superiori demonstratione evidens est) sed per lineam inter illas mediam $C. l. A. b.$ movebitur & sursum feretur.

Tandem, ut haec transferantur ad suppositorium, intelligatur iisdem lateribus plani $A. B. C. D.$ circa majorem axem $A. l. C.$ revolu-

revoluti describi solidum. Omnia puncta *y. x. B. D. Z. u.* & horum similia, quae in his lateribus concipi possunt, repraesentabunt in superficie hujusce solidi loca quibus vires supra dictae, quas supponimus easdem esse ac sphincteris, applicantur; ac proinde prout istae vires variis in locis nunc in *B. D.* nunc in *y. x.* nunc in *z. u.* applicabuntur, hoc solidum vel immotum sistet; vel deorsum aut sursum movebunt, ut jam dictum planum moveri superius demonstratum est. Cum autem notum sit apud Geometras curvas superficies ex infinitis planis evanescentibus coalescere; sequitur, quod de superficie intelligendum.

Jam vero, ut juxta ratiocinium illud geometricum explicetur glandium ascensus, duo necessario supponenda sunt: 1^o. sphincterem ani *E. E.* (vide fig. 14.) ob inflammationem quam patitur ita occlusum obstructumque, ut nihil possit foras excerni. 2^o. Suppositorium oblongum quale est *A. B. C.* vi aliqua exterius adhibita sphincteris resistantiam vicisse, & quoad majorem sui partem in podicem introductum esse. His ita positis, dico istud protinus ad superiores recti partes, mox per ambages intestinorum ad ventriculum, indeque mechanica vomitus omnibus cognita per oesophagum, tandemque per os foras amandandum. Siquidem ab intruso supposito sphincterem jam inflammatum solito vehementius irritari necesse est, ac consequenter validius contrahi, ergo suppositorium fortiter stringendum & modo supra exposito (conferentibus alioquin musculis ani levatoribus *t. t.* qui contractione sua, quod sphincter ani podicem claudendo, idem sphincterem sursum retrahendo praestant) tanta vi adigendum, ut spatium *A. G. H.* percurrat. Inde assiduis validisque musculorum epigastricorum contractionibus (favente plurimum suscepta motus determinatione versus superiora) fluida quibus immersum est, quaeque intestinales tunicas multum distendunt & ab invicem dissociant, facile transcurrent; totamque intestinorum longitudinem metietur, donec ad ventriculum pervenerit, unde excitato vomitu brevi per os ejicietur.

Nemo regerat suppositorium ita propulsum versus superiora, in caeco horizontaliter disposito & impervio detinendum, nec posse

65 posse iter suum deflectere ad Ileum, vel quamvis deflenderet, Ileum valvulam ipsi ingressuro aditum denegare. Priori objectioni occurritur. supponendo caecum vel faecibus induratis infarctum, vel constrictum penitus, vel genito intus tumore quodam obstructum; tunc enim cum propter impedimentum suppositorium non possit moveri & ultra pergere ad caecum secundum intestini coli directionem, ad Ileum ostium divertet elevato acumine, & oblique in ejus cavitatem intrudetur. Alteri difficultati nullo labore satisfiet admissa, ut antea dictum fuit, ductus intestinalis plenitudine, qua semilunares Ileum valvulae ductae retinentur. Neque iis assentiri possum qui contendunt contractionem coli antivermicularem valvularum Ileum resistentiam superare; easque praepostero modo absque disruptione inferne sursum aperire. Nam praeterquam quod debilius foret hujusmodi contractio, rem praeterea impossibilem esse probant injectiones intra venas a corde ad extremitates factae, quibus constat injectos liquores non nisi disruptis valvulis sibi viam facere in venarum cavitatem.

C A P V T T E R T I V M.

De Symptomatis Ileum.

66 **P**rimo in passione Iliaca adest alvi adstrictio vel totalis, vel partialis. Utramque autem ex vario ductus intestinalis impedimento facile deducemus. Etenim vel obstruitur omnimode intestinorum cavitas, ut in perfecto Ileum; vel eadem notabiliter tantum angustatur, ut in imperfecto. Si 1^{um}. quoniam nulla patet via faecibus inferius propellendis, nullaque ne tenuior quidem fluidiorque contentorum portio potest obicem transmeare, & ad anum usque protrudi; patet tunc temporis alvum necessario supprimendam, ita tamen ut quae faeces infra repagulum constitutae erant vel spontaneo naturae motu, vel enematum beneficio ejici possint, quibus eductis alvus suppressitur. Si 2^{um} id est, si ea non sit intestinorum angustia quae materie-

rum descenſui plane obſtet, quaeque fluidioribus partibus ſubtilioribusque ſupra obicem poſitis tranſitum permittat, tunc non ſuppreſſa, ſed tarda erit alvus atque conſtricta: nam cum particulae huiusmodi tenuiores minima quantitate per obſtructum canalem transmittantur, antequam totam inteſtinorum longitudinem emenſae fuerint & ab obſtaculo ad podicem perductae, quoniam ſegniter tantum propelluntur ab exigua materiae ſubſequentis copia, minimo motu ſegniorique praecipitandas fore conſequens eſt. Praeterea haec minima faecum portio impedimentum tranſgreſſa, inteſtinorum ambages percurrendo patietur neceſſario maximam particularum ſuarum fluidiorum jaſturam: ergo ulterius, dimiſſis tenuioribus, ſupererunt craſſiores duntaxat ejus particulae, quae cum difficile excludantur, ad alvi adſtrictionem concurrent. In illa vero Ilei ſpecie quae pendet ab inflammatione extremitatis recti, tantum adeſt etiam invadente morbo impedimentum, ut nihil omnino per anum excerni poſſit; unde non ſolum in progreſſu, quemadmodum in reliquis Ilei ſpeciebus obſervatur, verum etiam in principio morbi alvi conſtipatio Ileo adjungetur. 67

2º. Inteſtina nequeunt obſtrui faecumque excludendarum prolapſum inhibere, quin materia chylacea fluidaque e ventriculo aliisque partibus ſuperioribus, tum periltaltico motu & naturali, tum ſucceſſivis diaphragmatis & muſculorum abdominis contractionibus continuo ad obſtructionem accedat, neque ita continuo accedere, quin ibidem uberius ſolito cumuletur, nec tandem ita cumulari, quin maximam vim inferat parietibus inteſtinorum, eorumque tunicas ultra modum diſtendat; ergo, facta obſtructione accumulatisque contentis verſus obicem, inteſtinorum membranae maximam patientur diſtentionem; ſed iſtae ita nequeunt diſtendi, quin nervi quibus inſtructae ſunt diſtrahantur nimio opere, nec ita diſtrahi, quin facto vehementi refluxu ſpirituum, fibrae emporii validius concutiantur, in quo proxima & immediata conſiſtit doloris cauſa: ergo iterum concludendum inteſtina ſemel obſtructa dolore eſſe afficienda.

Porro qua proportione diſtenduntur inteſtinorum tunicae, eadem comprimenda ſunt vaſa ſanguifera, praefertim vero

ea quae sanguinem ad vias circulationis reducunt, venosa intellige, quae ob laxiorem qua donantur texturam, causis exterius comprimentibus facilius cedunt, quam arteriae utpote firmiores; sanguis ergo intestinorum substantiam hac in parte perlustrans, per angustatas venas mesaraicas eo loco difficilius circula-
bitur: cumque a continuo cordis motu propellatur, tanta de-
68 mum vehementia irruet, ut vasa disrumpat, & in partium substantiam effundatur. Hinc oriundus tumor intestinorum inflammatorius, qui cum permanens sit a causa constante & permanente, distentione scilicet, fixum dolorem excitabit.

Insuper a praedicta distentione intestinorum dolorifica spiritus versus suos lares repulsi coguntur ad partem dolentem copiosius influere, sed hoc fieri nequit, quin augeatur aestus sanguinis circulantis ipsiusque progressus difficilior adhuc reddatur: ergo hac ratione quoque augebitur inflammatio, nervi vehementius distrahentur, & fixus intestinorum dolor necessario intendetur.

Constat ulterius in omni inflammatione cruorem haerentem & fermentescentem a continua spirituum jugiter influentium miscela putrefactivam quandam effervescentiam concipere & in pus converti, sed non potest sanguis putrescere & facescere in pus, quin salso-acribus vel salso-acidis suis moleculis iisque corrosivis sensilem admodum intestinorum substantiam vellicet & exedat, ac proinde dolorem augeat; ergo exulceratis alicubi intestinis, fixus quoque dolor non inducetur solum, verum etiam adaugebitur.

Vermes in aliqua intestinorum parte agglomerati internam eorum tunicam osculis suis sugunt, proprio pondere nervos comprimunt, mole distendunt, acutis dentium mucronibus mordent, capitellis exertis confodiunt, nerveamque membranam vellicant multipliciter atque compungunt: sed ita haerentes
69 lumbrici agere nequeunt in intestinales tunicas, quin dolorem acutissimum eumque fixum inducant ad intestina referendum; ergo ab hac quoque causa fixum intestinorum dolorem excitatum iri consequens est.

Similiter, quoniam convulsis partibus maxima fit fibrarum nervearum viciniorum compressio; patet hinc, si quaedam in

testinorum partes spasmo seu convulsione afficiantur, nervos vicinos vehementer comprimendos esse sensationemque dolorificam parituros, quae ideo erit constans, quia convulsio doloris parens eandem partem constanter infestat.

Denique induratae faeces, impacti cerasorum nuclei, aliaque corpora dura quorum scabra & inaequalis est superficies, si in aliqua intestinorum parte aggerantur, poterunt radere, discerpere, ac multipliciter vulnerare interius intestinorum involucrum, praesertim vero si fibrae annulares validius contrahantur: sed vulneratis aut quomodocumque laesis intestinis atrocissimus, isque fixus persentietur dolor; ergo futurum necessario, ut Ileum ab omnibus hisce causis inductum fixus intestinorum dolor concomitetur. Accedit quod his mediantibus sanguis interrupto ipsius circuitu haereat, accumuletur, inflammationem systrophicam vel phlogosim pariat, & liquidorum aliorumve appellentium aggestu intestinales tunicae praeter modum dilatentur.

Interdum non fixus, sed vagus ac circumductus est dolor, prout causa doloris non eandem continuo, sed modo has modo illas impetit partes: quoniam vero flatus natura sua per liquida in intestinorum cavo inclusa passim excurrunt, diversisque quibus agi solent determinationibus; nunc has nunc illas elatere suo partes distendunt, quoniam praeterea humores fermentescibiles varii quibus tota pene infercitur intestinorum cavitas ab obice ad pilorum, inaequalem ineunt fermentationis luctam cujus ratione modo hic modo illic expanduntur, vimque suam in diversas intestinorum partes exerunt; sequitur a duplici hac causa circumvectum ventris dolorem esse repetendum. Flatus autem ita per ambages intestinalis ductus discurrere, probant vagi intestinorum strepitus & borborygmi, qui ex nullo alio capite deduci possunt, quam ex eo quod materiae flatulentae rugosis intestinorum parietibus allidant & fluida quibus innatant, potenter exagitent: symbolum suum aliunde conferente humorum tumultu cujus ope particulae aëreae prius incarceratae expediuntur, incalescunt & quaquaversum sese explicant; ita ut, quemamodum fieri solet in fermentationibus externis, strepitus

pitus quidam sonitusque etiam in profundo abdominis audiatur.

Non est cur immoremur in exponenda flatuum genesi, haec enim colicam flatulentam potissimum spectat. Istud obiter dixisse sufficiat quod nobis probabilius esse videtur; idcirco nempe majorem flatuum copiam in hoc affectu generari, quia singulae ciborum prius assumptorum particulae magis dividuntur: etenim cum nulla sint corpora etiam solidissima quae intra suum sinum plures non recondant aëris particulas, liquet statim futurum ut pro majori vel minori partium attritione, alimenta majorem vel minorem aërearum partium flatus componentium
71 copiam dimittant, quae semel a compedibus suis expeditae, liberiores alias propter homogeneitatem sibi in societatem adsciscunt, & flatus constituunt. Porro cum a posteriori demonstretur aërem ramosis partibus & elasticis conflari, sulphuraque pariter ramosa & elastica esse nemo dubitet, qui vel tantisper sulphurei elementi naturam exploraverit; hinc quoque patet maximam esse, inter utrumque fluidum affinitatem, neque differre ab invicem nisi ex eo quod aër tenuioribus, olea vero crassioribus partibus componantur. Ergo si maxima fiat, (ut ex fluiditate materiae vomitu rejectae, ejus putrefactione ac mora in intestinis evincitur) stagnantium humorum divisio, facile concipitur partes eorum sulphureas ramosas & elasticas, hunc posse summum mediante motu consequi tenuitatis gradum, qui ad flatus efformandos desideratur.

Flatus in intestinis genitos qua datur liberior exitus abire necesse est, ergo & innata qua gaudent levitate prae ceteris intestinorum fluidis ad stomachum elevari; sic elevati miscentur cum iis, qui generantur in ventriculo, ac tandem uniti ideo ructus producant, quod alternis diaphragmatis & musculorum abdominis motibus, impellente alioquin propria vi elastica, cogantur per aësophi ductum superius erumpere, mox brevi cum gravi quodam sonitu eructandi.

Quoniam nequit reflueri ab intestinis quae propior est & vicinior stomacho materies, quin ob nimiam fermentationem quam concipit, vel ob solito majorem quam in statu naturali

salium quibus scatet extricationem, plus aequo vellicet, pungat, 72
distendat, aut alio quocumque modo laceſſat fibrillas ventriculi
nerveas, praesertim vero orificii superioris: sequitur hujusmodi
fibras solito vehementius irritandas fore; proindeque molestam
sensationem inducendam. Hinc cardialgia seu morsus ventri-
culi.

Nequeunt autem hujusmodi fibrae irritari solito vehementius
quin spirituosus latex validius velociusque ad sensorium com-
mune repellatur, nec ita repelli, quin mechanica cerebri dispo-
sitione determinetur uberius ad nervos phrenicos gastricosque
diaphragmati ac musculis abdominis prospicientes, ut patet ex
cognita vomitus aethiologia; ergo sequitur ulterius ab hac ma-
teria refluyente & nerveam ventriculi tunicam irritante, copio-
siorem futurum esse in laudatas partes spirituosum fluidi proven-
tum. Porro diaphragma & musculi abdominis nequeunt ube-
riorem spirituum copiam in se suscipere, quin multo majori vi
contrahantur, nec ita contrahi, quin fortius multo stringant
undequaue ventriculi parietes, & contenta quaelibet tum flui-
da cum solida qua data porta exprimant; ergo contractis una
diaphragmate & musculis epigastricis, haec eadem contenta per
apertum orificium superius ad aëso-phagum evehantur, brevi per
os eliminanda: unde vomitus.

Jam si causa irritans debilius agat, minor futura est praedi-
ctarum causarum motricium contractio, atque adeo minor ven-
triculo compressio inferenda: ergo inanes prorsus conatus eden-
di sunt, in quibus nauseae ratio posita est; sed ineunte Ileo 73
propter insufficientem moram minus exaltata, minusque acria
sunt contentorum salia, procedente vero morbo multo magis,
ergo ulterius non mirum, si primo nauseam, dein vomitum ac-
cerſant. Praeterea pro varia quantitate contentorum in ventri-
culo, nunc nausea, nunc vomitus excitabitur: etenim cum in
Ileo incipiente intestina tantum, ventriculo existente vacuo; in
confirmato vero, haec & ventriculum repleti ex jam dictis com-
pertum sit; luce meridiana clarius patet, initio stomachum, ut-
pote vacuum, a causa praesente & stimulante caeteroquin com-
pressum, nihil posse per superiora exprimere & nauseam advo-
cari;

cari, dum e contra sub finem Ileii turgescens ex humorum redundantia, vel levi accedente compressione exoneratur & vomitum ciet.

74 Ex hac quoque compressione illata a diaphragmate & musculis abdominis, non modo ventriculus secundum totum, ut in vomitu fieri jam superius dictum fuit, verum etiam secundum partes singulas constringendus est; singulae autem sigillatim sumptae partes ventriculi constringi nequeunt & angustari, quin glandulae hujus visceris, quae fermentum stomachale secernunt, similem patiantur angustiam, ac proinde contentum liquidum exprimant copiosius in cavitatem ventriculi; ergo inter vomendum & nauseandum, stomachale fermentum e glandulis validius constrictis uberiori quantitate sequestrandum; imo quoniam alia viscera in infimi ventris claustro delitescunt, hepar nempe, pancreas, & intestina parilem expertura sunt coarctationem, non absimili ratione futurum, ut sua uberius recrementa profundant, bilem scilicet, succum pancreaticum & intestinale. Jam vero cum humores illi recrementitii quoad magnam partem serosi, tum partibus suis aqueis quaecumque in intestinis & stomacho contenta sensim diluere, tum salibus salso-acribus, quibus ex natura sua pollent, radere apti sint, discindere, & attenuare etiam solidorum assumptorum partes: sequitur materias vomitione rejiciendas multum dilutas fore, & praeternaturali fluiditate donandas. Interim tamen solida assumptorum frustula, imo & faeces induratae aliquando evomuntur, quod quidem ex minori mora quam contraxerunt, nec non ex minori fermentorum secretionem repeti potest.

Insuper cum varii corporum sapes ex varia mole, dispositione, quantitate, & figura salium sapiditatis sensum inducentium, item & odores ex eodem capite, ac praesertim a varia sulphurum depressione aut exaltatione procedant, cum aliunde colorum diversitas a diversa corporum coloratorum superficie oriatur; liquet exinde pro varia natura, proportionem, atque miscelam bilis, fermenti stomachalis, intestinalis, & pancreatici variam quoque contenta induere superficiem, salia sulphuraque diversimode subigi & alterari, ac consequenter rejectas vomitu

tu materies saporem, odorem, atque colorem multiplicem referri.

Singultus nil aliud est quam vehemens eaque subita inspiratio cum strepitu facta. Cum autem ad hoc, ut inspiratio naturaliter perficiatur, debeant muscoli inspirationi inservientes, praesertim vero diaphragma, naturalem suum contractionis nisum exercendo, thoracem certo tempore ampliare; patet exinde pro majori vel minori, lentiori vel celeriori diaphragmatis & musculorum inspirationis contractione, vehementiorem vel debiliorem, citiorem quoque vel tardioorem inspirationem futuram esse: sed in Ileo interdum maxima fit subitaque inspiratio, ergo tunc muscoli inspirationi dicati violenter subitoque sunt contrahendi; non possunt autem inspirationis muscoli derepente & vehementer contrahi nisi a copioso ac subitaneo spirituum influxu in eorum loculamenta, ergo ulterius, ut singultus excitetur, debet spirituosum fluidum a cerebro ac cerebello in praedictas musculosas partes copiosius derivari. Vnde autem quaeso tam vehemens promptusque oritur spirituum animalium affluxus? an ex imperante voluntate, ut persaepe observatur? an vero ex alia causa mechanice agente; sed videmus iliacos invitos misere singultire, ergo non ad animae nutum, sed potius ad causam plane mechanicam recurrendum. Hujus mechanis-
mi rationem facile assequetur quisquis admittet stabilitum a natura nervos inter gastricos & phrenicos stomacho, diaphragmati, musculisque thoracis servientes commercium, facta enim irritatione molesta in ore superno ventriculi a salibus acrioribus vel acidis corruptorum humorum valde extricatis, vel oborta inflammatione adeoque commotis succussisque nervis gastricis, spiritus animales valide & celeriter ad cerebri fibras reperi-
cussu, hospites inibi socios ad diaphragma & musculos pectoris pari
cum uehementia ac celeritate impellent. Sonitum qui in singultu percipitur, in mutuas aëris, tracheae, & cartilaginum laryngis collisiones refundimus.

Sanguis per inflammata intestina difficulter circuitum suum obiens, per vasa lateralìa majori quantitate delatus, viciniore partes opplet: debet ergo mesenterium quo intestina lumbis

annectuntur, propter loci viciniam, sanguine turgere & inflammari.

Cum tenuia intestina quae hoc in morbo caeteris frequentius afficiuntur, nequeant prae inflammatione accipere nisi modicam copiam sanguinis, qui continuis cordis ictibus per arteriam mesaraicam superiorem ad ea protruditur, debet major pars sanguinis appellentis per vias liberiores deflectere. Quo autem deflectet? Autopsia anatomica docet utrimque ad latus mesaraicae superioris, emulgentes geminas ad renes cruorem asportantes emergere; ergo ad has sanguinis portio quae iter consuetum pergere non potest transferenda est, quod fieri nequit quin augeatur copia sanguinis renes naturaliter irrorantis, quin pariter renes liquido sanguineo ingurgitentur: ergo inflammatis tenuibus intestinis, renes quoque propter vasorum sanguiferorum communionem inflammari necesse est.

77 Denique vesicam urinariam & crassa intestina a mesaraicae inferioris ramulo (internam dico haemorrhoidalem) arterias mutuari compertum est, item & rectum intestinum ab hypogastricis sicut & vesicam partem sanguinis quo irrigatur desumere; ergo ex mechanica jam superius allata sequitur perspicue, sanguinem qua proportionem viam suam obstructam reperit versus crassa intestina & rectum, uberius hinc in vesicam derivandum ac proinde vesicam similiter per consensum esse inflammandam. Ad inflammationem harumce partium promovendam concurrunt suo modo miasmata haeterogenea quae ex inflammatis intestinis elewantur, & spiritus ratione causae dolorificae in partes vicinas jugiter excurrentes: haec enim duo exagitando sanguinem haud imparia fermentationem ejus adaugent & circuitum praepediunt. Adhaec, inflammato podice sphincter vesicae magnopere comprimitur, quo fit ut stagnet sanguis, congeratur & phlogosum pariat. Inflammati renes inepti evadent lotio secernendo vesicae pariter & potissimum ipsius sphincteris inflammatio ejusdem lotii, excretioni officient, nemini igitur mirum si in Ileo nonnunquam contingat urinae suppressio.

Quoniam inflammatis intestinis spiritus jugiter ad emporium retorquentur, indeque affatim partes irradiant & sanguinem ex;

undant; cum insuper e partibus inflammatis praeterfluenti sanguini communicentur miasmata haeterogenea cum illis quae in ipsius sinu continentur; quoniam demum in passione Iliaca mutuis vicibus sanguis & chylus se contaminant, chylosisque & haematosis depravantur; sequitur exinde intensiorem fermentationem humorum, majorem virtutem partium systalticam, uberiores fluidi motivi cordis (qualecumque illud sit) proventus, adeoque pulsus frequentiam cum calore praeternaturali conjungendam: in quo febris ratio posita est. 78

Qui vel mediocriter motum muscularem contemplati sunt cum Physiologicis, apprime norunt in contractionibus musculorum sanguinem ab iisdem exprimi & ea proportionem ad vasa vicina amandari, qua a contractis musculis propellitur; sed constat in Ileo confirmato membra continuis ac vehementissimis hinc inde agitationibus crudeliter jactari (quod ex nausea & vomitu assiduus manifestum fit) debet ergo sanguis sub finem Ilei continuo & maxima cum vehementia expelli e musculis hasce artuum jactationes inducentibus, & ad interiora derivari; ergo ad pulmones copiosius affluet. Debebit praeterea spirituum penus, adaucto calore sanguinis & ingravescente intestinorum dolore, magna ex parte exauriri; ergo minor eorum ad pulmonis substantiam distributio, unde hujus visceris flacciditas. Jam vero sanguis ita irruens ad pulmones alioquin flaccidos, sibimetipsi viam praepediet, laboriose pertransibit labyrinthos vasorum pulmonalium flexus, stagnabit, cumulabitur praetermodum, vasa distendet, pneumonicas vesiculas stringet, minusque reddet & angustius spatium aeri naturaliter intromittendo destinatum: ergo difficilis aderit respiratio.

Cum nequeat sanguis difficile circulari per pulmones, ibidemque haerere & aggeri, quin difficulter subeat per venam pulmonarem sinistram cordis thalamum; sequitur fore, ut solito parcius feratur ad cordis substantiam, fluidumque hujusce visceris motui perficiendo requisitum deneget, ac proinde functio haec vitalis, quae pulsus dicitur, penitus aboleatur: ergo syncope, seu animi deliquium, respirandi difficultatem proxime consequetur. 79

Pro majori vel minori calentis sanguinis copia, partes singulae corporis humani majori vel minori caloris motu praeditae sunt; sed 1^o, Partes internae, ratione superius allata, sanguine inferciuntur, & impedito circuitu in pulmonibus, vivificus ille liquor minori quantitate ad sinistrum cordis ventriculum, indeque ad aortam & ad partes externas amandatur: ergo imminuetur copia sanguinis partes externas irrorantis. 2^o. Inhibita quantatenus circulatione, non parum quoque obtunditur fermentatio: sanguis enim minori motu & copia progrediens; minori vi a corde propellitur in arterias; hae minus distenduntur debiliorem quoque vim elasticam exercent, systaltica seu oscillatoria vis partium enervatur, minor fit genesis spirituum; quae omnia cum concurrant ad fermentationis motum ciendum, his deficientibus, defecturam quoque sanguinis fermentationem necesse est; debebunt ergo partes externae ob exiguam, qua irrorantur, cruoris parum fermentescentis copiam frigescere.

Jam vero nequit imminui fermentativus simul ac progressivus liquidi sanguinei motus, visque partium systaltica, quin sanguis magis ac magis haereat & crassitiem majorem adipiscatur: quin item externi aëris appulsu aliquid sui motus amittat; nec ita de motu suo amittere & inspissari, quin sulphureae partes terreaeque crassiores strictius ad invicem accedentes, aqueas e suo sinu copiosius dimittant, quae per glandulas cutaneas transcolatae, indeque ex his per canales earum excretorios ad cutis superficiem usque traductae ob minimum motum quem a sanguine, unde profluunt, mutuatae sunt, sudorem frigidum constituent; ergo ulterius hac ratione in iliakis, praesertim vero morituris, gelidus sudor futurus est.

Ultimo tandem, quoniam repetitis compressionibus inductis a diaphragmate & musculis abdominis, fluida quae continentur in intestinis non modo ascendent ad stomachum, verum & tenuiores etiam eorundem partes secundum determinationem lateralem impulsae, venarum lactearum orificia subiturae sunt; indeque ad sanguinem per vias consuetas trajiciendae; cum insuper fluida illa ob diutinam, quam in intestinis contraxere, moram praeternaturali polleant acredine, cujus ratione sanguinem ipsiusque

recrementa & excrementa contaminare facile possunt; futurum exinde ut sanguinis recrementa & excrementa varia morbosa acrimonia inficiantur: ergo succus nutritius acrior emerget, nec tantum debitae partium nutritioni absolvendae impar, sed & noxius futurus est: unde marcor. Praeterea salia huiusmodi acria propter analogiam cum falso-acribus massae sanguineae recrementis excrementisque, potius quam cum aliis quibuscumque, humoribus conjungentur; ergo societatem inibunt, facilius cum saliva, urina, & insensibili transpiratione: sed illud fieri non poterit, quin partes huiusmodi acres, quae natura sua olfactus organum graviter feriunt, facta cum variis hisce liquidis miscela, iisdem & simile vitium communicent; ergo saliva, urina, & sudor tetrum spargent odorem: quemadmodum testantur Authores gravissimi.

C A P V T Q V A R T V M.

De Signis Diagnosticiis Ileii.

Quandoquidem varia sunt signa iliaco simul & colico dolori communia, Ileus incipiens difficile admodum a colico dolore distingui potest: attamen si dolor multum saeviat, si tumor notabilis & durus adinstar chordae tensae in abdomine tactu percipiatur, si maxima si totius abdominis distentio, frequentiora intestinorum murmura, flatus copiosissimi, immanes nauseae, vomitus, pertinax alvi adstrictio, Ileum adesse verisimile est.

Vomitum materiae faeculentae vel ipsarum faecum, alvi suppressio, animi deliquium, extremorum frigiditas, foetidus anhelitus, sudores frigidi, aliaeque de quibus in huiusce morbi descriptione, confirmatum Ileum manifeste demonstrant.

Perfectus ab imperfecto, ex totali vel partiali alvi adstrictione facile discernitur.

Causae vero a quibus dependet difficilius multo innotescunt, eas tamen haud magno labore assequi poterit quisquis ad varia earum signa jam recensenda serio attendet.

Prae-

32 Praegressa & pertinax alvi constrictio, absentia febris & doloris in principio morbi, praeposterus alimentorum austerorum, vel nimius medicaminum adstringentium usus, naturalis alvi pigrities, equitationes, aut sessiones diuturnae, immodica corporis exercitia, moerores & sollicitudines animi, quibus omnibus jam ante Ileum alvus vel retardata vel cohibita fuerat, angustiam ab induratis faecibus pendere arguunt.

Ingestos cerasorum aut aliorum fructuum nucleos, calculosque deglutitos in causa esse obstructionis intestinalis ductus, notum fit aegrorum vel adstantium relatu: non ita facile est dignoscere an a calculis vesicae felleae ad duodenum translatis Ileus producat, cum ipsa horumce calculorum diagnosi difficilis sit, verumtamen si signa eorum diagnostica, doloresque in hypochondrio dextro saevientes praecesserint, deficientibus aliunde signis aliarum caularum, hujusmodi calculos morbo iliaco ansam dedisse conjectari poterit.

A congestis & agglomeratis vermibus intestina obturari suspicio est, si aegri vermes alias saepius excreverint, si alimenta dulcia & saccharata ante morbum edaciter ingesserint, ac demum si cruditatibus acidis obnoxii sint, vel ructus acidos ipso morbi tempore emittant.

83 Tumor schirrosus externae intestinorum superficiei adnatus facile tactu deprehenditur, si autem interioribus eorundem parietibus adhaerescat, quamvis tactu explorari non ita facile possit, tamen ex praecedente diuturna intestini duritie, sensu gravitatis quem aegri stantes persentiunt, strumosa sanguinis diathesi, & aliorum signorum absentia indicatur.

Praeviam intestinorum phlegmonem, iliacam passionem induxisse haud difficile colliges ex vehementia morbi, dolore acuto & fixo, viscerum calore, febre intensa etiam ab invasione morbi, aliisque signis inflammationem comitari solitis, praesertim vero ex praegressis, cruditatibus nidorosis, venenorum assumptione, immoderato aromatum aliorumque tum ciborum, tum medicamentorum acrium usu, & materiae sanguinolentae per anum excretionem.

Si sit dolor acutissimus, fixus, ac permanens, cum calore deurenti conjunctus, si saniosa aut purulenta materia per anum prius excreta fuerit, vel tandem si febris lenta & marcor praecesserint, intestinorum ulcus aut abscessum jure suspicaberis.

Succum lymphaticum intestinale praeternaturam concretum accusandum esse significant, frequens lymphae viscidae & glutinosae dejectio, & intensus viscerum calor.

Quod si hujusmodi signa absint, & tumor oblongus chordarum instar protensus in abdominis regione percipiatur, patet exploranti Medico intestina convolvi & complicari. An vero superior in inferiorem, vel vicissim inferior in superiorem intrudatur, nullo quidem signo dignosci potest.

Prolapsus intestinorum in scrotum aliasque partes, vel simplici facta inspectione, vel aegrorum aut adstantium relatu innotescit.

Difficillimum est convulsionem intestinorum dijudicare, nihilominus tamen tum signorum alias causas indicantium absentia, tum partium externarum motibus convulsivis vel convulsionibus, causam hanc poterit Medicus conjicere, imprimis si aegri epilepticis insultibus identidem afflictentur. 84

Nausea & vomitus assidui, difficilis respiratio, doloris situs, & celerior stercoris vomitus, tenuia; lumborum vero gravitas, dolor ad inferiora magis vergens, ac tardior materiae faeculentae vomitus, nec non subinde intermittens, intestina crassa affecta esse ostendunt; denique si alvus morbi initio penitus adstricta sit, sit tanta sit ani angustia, ut ne quidem speciei acumen intromitti possit & sphincteris resistantiam superare, vel si superata ipsius resistantia clysteres semel injecti, vel inductae glandes rursus excludi nequeant, quin potius per superiora rejiciantur; morbi sedem in podice constitutam esse plane evincitur.

CAPUT QUINTUM.

De Signis Prognosticis Ilei.

Cum in omni Ileo distributio chyli & expulsio faecum, quae vitae tuendae naturaliter inserviunt, si non omnino saltem aliquatenus impediuntur; quoniam pariter propter obicem contenta in intestinis accumulata plurimum distendunt intestinales
85 tunicas, earumque vasa comprimendo, circuitum humorum inhibent & phlogosim, inflammationem, ulcus, imo quandoque gangraenam & sphacelum inferunt; quoniam rursus assiduus vomendi conatibus, doloribusque vehementissimis exhauriuntur spiriritus, adeoque vires omnino prosternuntur; denique cum Ileus inter acutos morbos vulgo annumeretur, graviaque accersat symptomata, quibus intra unum, duos, tresve dies aegri per saepe de medio tolluntur; sequitur affectum iliacum in genere periculosum futurum esse.

Morbi quo gravioribus stipantur symptomatis, eo periculosiores censendi sunt; sed in confirmato Ileo graviora sunt symptomata quam in incipiente, majus ergo in illo, quam in hoc periculum imminet.

Quoniam in perfecto Ileo multo major fit praedictarum functionum naturalium laesio, majorque adest inflammationis metus quam in imperfecto; cum insuper in isto non ita continui sint vomitus, nec dolores tam ferociter saeviant; quoniam demum perfectus Ileus morbus est acutissimus, imperfectus vero ad plures dies, imo (licet raro) ad mensem integrum & ultra extendi potest, adeoque chronicus est; patet causam morbificam in hac Ilei specie languidius agere quam in illa, ac per consequens perfectum Ileum imperfecto periculosiorem esse.

Pro causarum etiam diversitate prognosis varianda est. Enim vero si ab induratis faecibus, ingestis nucleis ceraforum, aliisque duris corporibus, aggestis in glomum lumbricis, lymphæ con-
86 creta, levi convulsione, hernia &c. fiat intestinorum obstructio: quandoquidem hujusmodi causae facile tolli possunt, morbum iliacum aliquam curationis spem polliceri evidens est.

Cum

Cum schirrus non nisi longo tempore curari possit, Ileus vero cito auferendus sit, sequitur Ileum ab hac causa productum prorsus immedicabilem futurum esse, maxime si tumor schirrosus ad canceri naturam proxime accedat, vel si ita internis adhaereat, intestinorum parietibus ut eorum convolutionem, pariat.

Inflammatiō haerentem sanguinem & praetermodum fermentescentem supponit; sed sanguis ita haerere & fermentescere non potest, quin putrefactivam quandam effervescentiam in intestinis suscipiat, eorumque exulcerationem aut abscessum producat; vel interrupto prorsus in his humorum commeatu, intestinales membranae gangraena vel sphacelo corripiantur. Cum autem hujusmodi vitia ex se lethalia sint, praesertim in partibus internis quibus remedia convenientia applicari nequeunt, perspicuum est, insanabilem fore Ileum ab inflammatione excitatum. Quod de inflammatione dicitur, idem de ulcere a fortiori intelligendum.

A mutuo intestinorum ingressu non modo obliteratur intestini convoluti cavitas, sed & insuper convolventis vasa sanguifera praeternaturaliter distenduntur & intumesunt; verum haec ita intumescere nequeunt, quin majus spatium occupent, nec majus spatium occupare, quin intestinum convolutum jam angustatum fortius validiusque constringant, & hac ratione ejusdem explanationem difficiliorem reddant. Ergo difficillimum est compli- 87
cata intestina in pristinum ac naturalem situm restitui, praecipue si pars superior inferiorem ingressa sit.

Porro convoluta intestini portio ex alterius cavitate difficilius retrahetur, si maxima pars canalisi, quam si exigua duntaxat complicata sit: ergo quoque pro varia obicis magnitudine modo majus, modo minus impendet iliace periculum.

Venena interius assumpta (nisi forte his initio occurratur) mortem inferunt; ergo Ileus a veneno haud dubium portendit exitium.

Cum convulsio fibrarum intestinalium, quae pendet ab ulcere, idem ac ulcus discrimen vitae praesagiat; planum est in utroque casu eandem, periculosam nimirum, prognosim instituendam.

San-

Sanguis in atrabilariis exsuccus est, falsus, & intensiori fermentationi suscipiendae magis idoneus quam in iis qui alia quacumque temperatura praediti sunt; sanguis pariter senum diuturnis fermentationibus sero depauperatus, acrior est infantum ac puerorum sanguine: ergo excandescet facilius, & inflammationem, mox gangraenam & sphacelum inducet, ac proinde Ileus periculosior est in atrabilaria constitutione quam in infantibus puerisque.

88 Similiter quoniam illi qui valetudine & natura imbecilliores sunt, debiliori donantur partium solidarum textura, quae minus resistere valet causae morbificae, liquet vasa sanguifera intestinorum, prae innata debilitate, reseranda & disrumpenda, ac proinde Ileum in valetudinariis & debilibus quam in sanis & robustis majus periculum portendere.

Si quidem vomitus, praesertim vero faeculentus, pertinacem & fere insuperabilem angustiam indicat, metuendum maxime ab inflammatione & gangraena intestinorum: ergo passionem iliacam cui vomitus stercoris supervenit, exitialem ut plurimum cum Galeno *a*) existimamus.

Cum probatum fuerit superius vomitum faeculentum plenitudinem intestinorum praesupponere, eoque tardius intestina repleantur quo remotior est obex a ventriculo; sequitur tardiorum dum crassa, citiorem vero fore stercoris vomitum dum tenuia intestina afficiuntur, & consequenter iliacos a tenuium magis quam a crassorum vitio periclitari certum est, ita docente experientia quotidiana. Accedit quod membranae tenuium exquisitori sensu praeditae sint crassorum intestinorum membranis, atque adeo magis pateant causae morbificae insultibus, acutioresque dolores excitentur. Ex iis inferendum majorem adhuc, si vitium sit in podice, salutis spem affulgere.

Si remediis non cedat affectus, sed intendantur potius symptomata, certa imminet pernicies; sin vero accidentia morbosa remittantur & moveatur alius salus expectanda.

Qui-

a) De loc. affect. lib. 6. cap. 2.

Quibuscumque, inquit Hyppocrates, (a) in stranguria volvulus 89 accedit, hi intra septem dies pereunt, nisi febre superveniente copiosior urina fluxerit. Quippe si stranguria seu urinae suppressio Ileum producens, a materia quadam viscida & glutinosa renibus aut collo vesicae impacta, lotiique secretionem aut excretionem praepediente oriatur, futurum necessario ut accedente febre sublata causa stranguriae, passionis quoque iliacae causa tollatur.

Vomitus faeculentus notabilem intestinorum angustiam arguit. Singultus fit ab irritatione molesta orificii superioris ventriculi, eaque vel maximam contentorum acrimoniam, vel obortam ventriculi inflammationem supponit. Convulsio inaequalem & irregularem spirituum influxum, vel eorundem haeterogeneitatem indicat: primum, a doloribus violentis intestinorum pendet. Secundum a febre acuta. (conferente chylo partibus acrioribus & faeculentis referto) Tandem delirium agnoscit vel haeterogeneos spiritus, vel inaequalem validamque arteriarum cerebri oscillationem, quibus fibrae corporis callosi vehementius solito concutiuntur, ideasque deliras excitant. Sed haec omnia funestum eventum praedicunt, ergo cum Hypp. b) allerendum. *Ab Ileo vomitus, singultus, convulsio, aut defibientia malum.*

Cum febris acuta & stercoris vomitus sint signa per se multum periculosa, cumque insuper nimia hypochondriorum tensio impediatur descensum seu complanationem diaphragmatis, qua ampliatur thoracis cavitas & inspiratio naturaliter exercetur; planum est, si parotides Ileo hisce symptomatis stipato superveniant, fore ut illae imminentem mortem praenuncient: nam huiusmodi glandulae tumefactae non possunt quin laryngem comprimant, ipsiusque cavitatem notabiliter coarctent, ac proinde aëri aditum intercludant; nec aditum aëri intercludere, quin praepedito jam motu diaphragmatis, suffocationis futurae periculum augeatur; ergo praedictae parotides certam ruinam minitantur. His adde emergens a febre maligna humorumque dyscrasia periculum, unde rursus merito Hyppocr. (c) in tenuio-

ris

a) Sect. 6. Aph. 44.

b) Sect. 7. Aph. 10.

c) Praedictor lib. 1. sect. 2, text. 158.

sis intestini morbis graveolentibus, cum febre acuta & ex longo intervallo tumescentibus praecordiis, qui ad aures oboriuntur abscessus mortem adferunt.

Tenuioris (a) intestini morbo (Ileo) laborantibus surditas malum.
 Nam cum ad auditus exercitium naturalis organorum tensio necessario desideretur, cum insuper haec debita tensio spiritibus influentibus potissimum debeatur; sequitur, si functio haec non possit naturaliter exerceri, fore ut vel deficient spiritus in cerebro, vel ab ipso ad organum auditus per nervos acousticos transmitti nequeant; utrumque autem signum est lethale. Nam
 1°. posito defectu spirituum in emporio, non auditio solum sed etiam aliae functiones fatiscunt, collapsisque viribus iliacos vita fungi necesse est. 2°. impedita in iliacis spirituum distributio ad auditus organa, adauctam praeternaturaliter sanguinis fermentationem arguit, qua, compressis nervis acousticis, spiritibus influentibus transitus denegatur; praeternaturalis fermentatio soboles est febris acutae; haec inflammationis seu gangraenae intestinorum metum affert: ergo surditas Ileo adveniens signum utrobique periculosum.

C A P V T V L T I M V M.

De Curatione Ilei.

In curatione Ilei istae praecipue indicationes sunt adimplendae.
 1°. Referanda & aperienda, angustata quomodocumque intestini cavitas. 2°. Praecavenda inflammatio nondum facta, vel jam facta auferenda, ut imminenti gangraenae aut sphacelo tutius occurratur. 3°. Demulcenda venit contentorum in intestinis salium acrimonia. 4°. Omni ope evitendum, ne intestina jam ab initio morbi turgida magis ac magis repleantur, vel ut jam repleta per inferiora evacuentur. 5°. Mitiganda sunt graviora quibus Ileus stipari solet symptomata. 6°. Tandem, si morbus sit insanabilis, danda opera ut vita, quantum fieri potest, protrahatur.

n) Idem Hypp, in coac. praenotion sect. 2. text. 470.

Primo igitur pro varietate causarum, varia methodo procedendum, ut primae indicationi satisfiat. Enim vero si ab induratis excrementis, vel a lympa concreta, vel ab ingestis cerasorum aliorumque fructuum nucleis intestinalis ductus obstruatur, emollientia & relaxantia multum profunt, quorum alia sunt externa, alia interna, inter externa recensentur cataplasmata, fofus, linimenta ex emollientibus parata exteriusque abdomini admovenda, nec non balnea ex aqua dulci tepida, vel ex oleo: interna ano & cato praescribantur qualia sunt clysteres emollientes & lenientes ex decocto herbarum emollientium, oleo communi, vel amygd. dulc. vel lin. vel lilior. lacte, decocto capitis, omenti, pedum, vel intestinorum vervecis, Item potiones interius usurpatae quae intestinorum substantiam molliant, ut sunt oleum olivar. vel amygd. dulc. sine igne expressum, butyrum recens, juscula pingua, & anodina ex capite vel pedibus vervecinis confecta, cremores hord. & oriz. decoctum quoque pro potu ordin. ex radic. alth. florib. malv. vel nenuph. semine lin. & similib. dein causae morbi praemissis ita emollientibus ad evacuationem dispositae exclusionem juvabunt mitiora cathartica ut mann. cass. rhabarb. dilut. prunor. &c. & enemata leviter purgantia cum catholic. diaprun. simpl. pulp. cass. recent. extract. mell. violac. rosac. &c.

Si a vermibus agglomeratis ortum ducat passio iliaca, hi mercur. crud. scord. aquil. alb. infusion. absynth. centaur. abrotan. aliisque vermifugis, item purgantibus & oleosis enecandi sunt, vel fugandi & ab invicem disjungendi.

In inflammatione triplex est curationis scopus. Primus, ut sanguis affluens ad partem affectam alio avertatur & inflammationem producens ad viam circulationis reducatur. Secundus, ut compefcatur dolor comes ejus inseparabilis. Tertius, ut fervor attemperetur. Sanguinis autem appulsus ad partem inflamatam praepeditur & illius haerentia tollitur venae sectionum ope, mitigatur dolor anodinis & narcoticis, temperatur aestus sanguinis refrigerantibus, ergo haec remedia sunt adhibenda. Iisdem ferme utendum est, si Ileus veneno originem suam attestetur; quippe eatenus potissimum venena intestinale ductum obtu-

obturant, quatenus inflammationem accersunt: hoc unum duntaxat advertendum, nempe phlebotomiam hoc in casu non indicari, sed potius alexipharmaca aliaque venenis quibuscumque debellandis appropriata, ad quae sine mora confugiendum.

Non potest tolli obstructio intestinalis ductus ab ulcere, nisi ipsum tollatur ulcus; ergo tunc remedia ulceribus curandis convenientia, detergentia nimirum, exsiccantia, consolidantia &c. praescribenda sunt.

Tumor scirrhosus intestina exterius comprimens, eandem ac scirrus aliarum partium internarum curandi methodum postulat ideoque aperientia omnia usurpanda: quod intelligendum est de Ileo imperfecto & chronico, non autem de perfecto & peracuto.

Si a convulsione fibrarum intestinalium Ileus dependat, antiepileptica imo & emetica initio morbi conveniunt.

24 Ubi intestina prolapsa Ileum pariunt, nihil non agendum est ut quam primum pristinum situm recuperent, & in suam sedem reponantur. Id praestat Chirurgi opera, qua intestinum prolapsum sensum introrsum adigitur, quod si ita tumefactum sit ut absque chirurgica operatione reduci nequeat, ea tunc protinus celebranda, praemissis semper clysteribus emollientibus & anodinis intestinalium reductionem juvantibus.

Tandem in volvulo eo tota dirigenda est curatio, ut expediatur quomodolibet & evolvatur convoluti intestini portio, adeoque intestinum constrictum & angustatum ex convolventis cavitate retrahatur. Quocirca minus rectam arbitramur eorum methodum, qui hydrargyri uncias aut libras aliquot, vel globulos ex plumbo, auro, argento, regulo antimonii, vel ex mercurio crudo sulphure extincto & cerato paratos prae caeteris hauriendos esse commendant. Nam praeterquam quod cum vix ac ne vix quidem dignosci possit, an superior inferiorem vel inferior superiorem absorpserit; cumque dum pars superna infernam subingressa est ob tumores intestinibus interius adnatos, ejusmodi medela non

a) D. Chirac, dissert. de Ileo sect. 5.

non inutilis modo sed & noxia ^{a)} censenda sit; ea ausu plane temerario tentaretur. Accedit insuper quod huiusmodi medicamentorum haustu, non modo non aperienda intestinorum via, sed potius magis angustanda videatur, etiamsi pars intestini inferior in superiorem intrusa fuerit.

Etenim, ut patet ex causis convolvuli superius expositis, pars intestini inferior in superiorem intruditur, vel quia facta alicubi dilatatione praeternaturali, ponderantia fluida superioris intestinorum latera deprimunt & saccos pendulos efformant, ut in fig. 10. 95 vel quia inferior intestini portio, favente situ & diaphragmatis aut musculorum abdominis impulsione, superiorem praetermodum dilatata subit, ut si supponatur (vid. fig. 11.) pars C. partem F. subingredi. Si 1^{um}. evidens est saccos utrinque pendulos qui, ob contentas quibus opplentur materies, ingressum intestinum fortiter stringunt atque coarctant, ampliandos fore & ad inferiora magis propellendos, atque adeo futurum ut hydrargyrum vel globuli non solum impares sint intestinis evolvendis, verum etiam factam eorum angustiam augeant; & sive ex toto, ut in praedicta figura 10. sive ex parte tantum angustentur intestina, ut in fig. 8. & 9. perinde erit, nam globuli plumbei, argentum vivum, aliave deglutita & ad impedimentum usque devoluta, saccos jam efformatos, in quibus maior patet via minorque occurrit resistantia, facilius multo ingredientur, adeoque pondere, mole, ac motu latera eorum ad ulteriorem descensum compellent. Si 2^{um} quandoquidem globuli plumbei, &c. in hoc morbo ideo praescribuntur, quia pondere praestant; planum est, sin hoc casu agere non possint ratione ponderis fore ut promovendae intestinorum explicationi in cassum adhibeantur. Quod autem in facta hypothese vi ponderis agere nequeant, vel ex simplici facta schematis 11. inspectione manifestum fit, in quo ex intestini positura globi plumbei v. g. ab A. in C. pervenire non possent quin circa F. propriam gravitatem vincerent & sursum ascenderent.

Methodo plane contraria cautius hanc indicationem adimplere 96 bis, tum abstinentioniam suadendo, ita ut aegroti nihil aut parum omni-

^{a)} Dolaeus lib. 3. de morb. abdom. cap. 6. §. 20.

omnino alimenti per 3. aut 4. dies ingerant, viteturque hac ratione major intestinorum plenitudo; tum alvum enematis paulo acrioribus irritando vel folle fabrili (aëre prius prope ignem attracto ne frigiditate sua noceat) inflando: quod remedium a celeberrimis Medicis comprobatum in hac maxime Ileii specie praestantissimum esse autumamus. Namque aër per anum propulsus ad partem complicatam perducere nequit, quin ibidem partes intestini convoluti laterales distendat; (vid. rursus fig. 10.) nec ita distendere, quin materias in saccis intestini convolventis inclusas sursum impellat, quod fieri non potest quin sacci minores evadant, & similes saccis *I. I.* fig. 9. quin pariter ab accedente de novo aëris copia, aucta laterum intestini convoluti distentione, contenta in iis saccis fluida hinc illinc rursus exprimantur versus *C.* ita ut sacci *I. I.* minores adhuc fiant & similes saccis *H. H.* fig. 8. ac tandem quin adaucta iterum distentione penitus evanescant ut exhibet fig. 7. & cavitas *f. g.* antea coangustata aperiatur. Praeterea intestinum *E. F.* hac arte dilatari non poterit, quin partes laterales *p. q.* diductis utrimque punctis *f. g.* minus curvae evadant, & materiae contentae in spatio *t. u.* vim suam minus exerant in latera inferiora *p. q.* unde facilius deorsum fluent, & metus omnis novae complicationis auferetur.

97 Eundem a fortiori exitum obtinebis, si absque saccis, altero quo jam exposuimus modo, intestina ita complicata sint, ut pars inferior superiorem penetraverit. Nec inutile illud medicamentum censeo, dum a tumore intestinorum intus adnato volvulus producitur; quippe ampliata intestinorum cavitate materiis tumorem revolventibus via concedetur, & aliqua salutis spes affulgebit.

Caeterum globuli plumbei aliaque huiusmodi, quae in praedictis casibus noxia sunt, in aliis Ileii speciebus, ut a faecibus, lymphâ, ingestis fructuum nucleis, lumbricis tumore externo &c. alveum intestinale obstruentibus vel comprimantibus, feliciter cum successu usurpantur.

2°. Quod spectat ad inflammationem praecavendam vel tollendam eadem competit curandi ratio quae modo tradita est, ubi de inflammatione tanquam causa Ileii.

3^o. Ut demulceatur contentorum acrimonia atque intestinorum irritatio sedetur; debent ea omnia in usum vocari medicamina quae pingua sunt, sulphurea, mucilaginosae, proindeque obvolvendis salibus idoneae: haec sunt juscula pingua, decoctum intestinorum vervecis, oleum olivar. lilior. amygdal. dulc. decoctum hord. & cydonior. &c. Item clysteres ex lenientibus & demulcentibus parati.

4^o. Tollitur intestinorum plenitudo enematis & catharticis mitioribus; praecavetur diaeta tenui, quae sic debet observari ut aegri per 3. 4. aut 5. dies quaedam tantum jusculi cochlearia ad vitam sustentandam assumant: non solum etenim id 98 habent incommodi alimenta assumpta quod vomitum promoveant, verum etiam a retentis fluidis quibuscum in primis viis permiscuntur, pravam acquirant indolem, putrescant, chylumque pravam sanguini suppeditent.

5^o. Pro varietate symptomatum Ileo supervenientium, varia medicamina usurpanda sunt. Cum autem praecipuum sit dolor qui tum narcoticis cum anodinis membranas intestinorum laxantibus, ac proinde eorum tensionem minuentibus lenitur, patet rursus narcotica & anodina sam. indicationem complere.

6^o. Tandem, si frustra praescriptis remediis causae tollendae accommodatis, perseverent nauseae & vomitus importuni, dolor ingravescat, aliaque symptomata subsequantur, qualia sunt animi deliquium, respiratio difficilis, virium languor, extremorum frigiditas &c. quoniam tunc de aegro conclamatum est, id unum incumbit medico ut interitus procrastinetur stomachicis, anodinis corroborantibus, & vomitum sedantibus, praesertim vero nutrientibus enematis, si affectus in superioribus intestinis sedem obtineat, nec possint alimenta ingeri quin statim vomitus excitetur.

Jam vero ut unde orsa est in eodem terminetur haec disputatio medica, cum ex iis quae dicta sunt quaeque hic sigillatim repetere supervacaneum foret, liquido pateat motum antiperistalticum non modo inutilem esse, sed rationi, Auctorum observationibus, & certissimis experimentis adversari; jure datur inferendum.

ERGO vomitus faeculentus in passione Iliaca non ab antiperistaltico intestinorum motu.



